

吉石齋叢書三集

永樂大典卷之一萬四千六百二十八

六幕

部 吏部十五

吏部係法關陞門。一。文武臣通用。 選人。 承務郎以上。 武臣。 資序服色。 關陞撮要。 文武臣通用。 應文臣換授使臣。 陳乞關陞。 若選人上考第許將參考比折壹考。 京官考第。 許將兩考作壹考。 通理使臣之後。 通及陸考及格。 許到部關陞。 應奏補出身。 致仕恩澤。 并吏職軍班。 及諸色出身人。 陳乞關陞者。 在法令要兩任實及柒年。參任陸年者。 準上法。 年終拾以上到部內。 須歷肆考名色差違。 并監當差違貳考。 共及陸考。 許關陞親民。 若校尉上所歷考第。 與使臣考第一同。 副尉非。 應奏補出身。 致仕恩澤。 并吏職軍班諸色出身。 陳乞關陞。 若兩任伍年。 及曾任川廣共及肆年。 各再入監當。 候及貳年。 就移親民。 應見任川廣差遣人。 如考任名色及格。 候赴本路運司參司訖。 許經本司保明申說。 參司年月日分明。 亦許關陞。 應稱經歷任。 謂貳年。 成資以上。 承務郎以上。 應監當人。 合要兩任陸考。 舉主肆人。 關陞知縣資序。 應監當人。 元是武臣。 因換授文資人。 依

監當人合要兩任陸考。舉主肆人。內監司壹員。關陞知縣資序。應改官知縣人。合要兩任伍考。舉主貳人。關陞通判資序。應宗子應舉得出身。改官後實歷知縣壹任。參考。合關陞通判資序。應通判人。兩任肆考。有舉主叁人。關陞知州資序。應理知州軍資序。如係職事官。曾任常調。差遣合自改官後肆年。關陞通判資序。捌考。關陞知州資序。若是外官。須自改官後實歷知縣壹任。後再要貳考。共成伍考。關陞通判。再歷兩任肆考。通前共理玖考。關陞知州。應監司州郡在任不得陳乞。通理。若不因罪犯罷者。許通計前任考任。應侍從舉陞陟。許當監司員數。應郎官任內。該關陞者。並通實歷年限。聽理合入資序。應關陞通判資序。若不歷知縣差遣。而曾任監司郡守者。許依實歷知縣關陞。應已曾關陞知州資序人。壹任貳考。陞第貳任知州資序。理入初任提刑。應已曾關陞初任提刑資序人。壹任貳考。陞第貳任提刑資序。理入諸路轉運副使。應已曾關陞諸路轉運副使人。貳考。陞第叁任提刑資序。理入諸路轉運使。應已曾關陞諸路轉運使。發運副使。陸考。陞第叁任轉運使。理入發運使。叁路轉運使。人。應廸功。即有出身叁考。無出身肆考。有縣令舉主叁員。與關陞縣

令。循入從政郎。應迪功郎。有出身。參考。無出身。肆考。有職官舉主。叁員。謂從事郎。與關陞職官。知縣。入從事郎。應迪功郎。有出身。肆考。無出身。陸考。有職官舉主。叁員。候參選。與文林郎。應迪功郎。有出身。兩任。肆考。無出身。兩任。伍考。與令錄。候參選。照條。關陞。入從政郎。應攝官。授正官。後。叁任。柒考。與令錄。候參選。照條。關陞。入從政郎。應流外人。肆任。拾考。與令錄。候參選。照條。關陞。入從事郎。應進納人。叁任。柒考。曾省試者。兩任。伍考。與令錄。候參選。照條。關陞。入從政郎。應修職郎。壹任。叁考。不以有無出身。有職官舉主。叁員。候參選。與文林郎。應修職郎。係知令錄。資序。壹任。叁考。回。候參選。照條。關陞。入從政郎。應修職郎。有出身。叁考。無出身。肆考。有縣令。舉主。叁員。繳告。關陞。入從政郎。應從政郎。壹任。叁考。不以有無出身。有職官舉主。叁員。候參選。與文林郎。應迪功郎。因恩賞。循從政郎。以上之人。如後有。關陞。舉主。叁員。照指揮。合理。作奏。舉。關陞。恩。例。應諸州。教授。應關陞。令錄。資序。照條。就任。關陞。却不拘。參選。應關陞。令錄。合參選。如不曾。參選。若考第。應關陞。外。或官司。舉辟。就移。照條。並。理。為參選。就任。關陞。應入令錄。合參選。照指揮。川廣。許令。參司。理。為參選。應選人。因。關陞。及。收使。恩賞。循至。承直郎。止。

武臣應武舉出身人。武舉特奏名推恩人同兩任成資不須用名色差遣。止是用肆考不拘歲甲許關陞。如係見從軍武舉人合於本司批成肆考。召本等保官貳員。經本司保明申所屬州軍保明申部方許關陞。應使臣所歷考任及格。赴部陳乞關陞。如新任係是直差授到正任該差劄子。免到部許關陞。應使臣宗室合用陸考。內須歷釐務貳考。通不釐務肆考者。許年叁拾以上到部聽關陞。應從軍大小使臣。見任諸軍差遣自給到吏部差帖印紙。日實及陸年。內須歷正將以上差遣肆考。共成陸考。召本等保貳員。經本司次第保明申所屬州軍保明申部。年叁拾以上聽就任關陞。親民依舊從軍使喚。如授到正將以上差劄。如止係審劄不曾取旨該差人。許兩日折當一日。應使臣曾授外任差遣考任未及。後辟從軍人。許通理外任轉成陸考。許經本司召保官貳員。委保甲所在州軍保明申部施行。仍舊從軍使喚。應使臣考任雖及應關陞者。若保差替回人。依條與展壹任。更候回部與關陞親民。應使臣曾除名公罪非及犯枉法監主自盜賊。不許關陞。及任人不得入親民。應使臣陳乞關陞。許將時零月日。轉用通成陸考與關陞。皇太子宮主管左右春坊。依在內差遣與關陞。應進納使臣。校尉同。監當滿柒年無遺關。內須歷名

色伍考有監司或知通奏舉陞陟者有參員年叁拾以上許到部關陞親民如侍從所舉者謂當監司員數。應文武臣合該關陞除前項聲說外除依本法。文武臣通用。

尚書考功勅。諸州軍申發官員關陞文字不依條保明者對讀官吏杖壹百分首從科罪下本路轉運司勸斷。

尚書考功令。諸承受關陞文書合會問者並限叁日。諸關陞人文書

雖未足及小節不圓但有照驗者聽關陞。諸乞關陞者別具家狀壹本

并印紙納考功。諸關陞若在京者具家狀仍將未經磨勘所授告勅宣劄

印紙等真本應用文書繳納考功。諸監當人滿陸年到部聽關陞。印年

限已應格再任者自依本法其止少半年以下再入監當候成資日願就

移親民者亦聽。諸武臣試換文資者聽以換授前兩任當壹任。諸武

臣鎖應及第并因試換文資者歷任資考並許兩考當壹考零考不使內

試換承務郎以上官關陞親民者即依元條勘會功過舉主。諸省試下

舉人因進納授官於元補文書內不生進納名目者舉改官職官縣令即

依進納例。

侍郎右選令。諸宗室關陞親民資序許射添差監押關仍注年叁拾以

上非材武人。不注老疾人。老疾不相須。

尚書考功申明 紹興十四年十月二十八日。勅四川選人京朝官大

小使臣關陞係用任數年月依條到部陳乞如已經本路運司公參理當
參部令本司聲說公參月日仍繳連錄白歷任批書印紙及出身以來應
合用文字保明申部按法施行如不曾赴運司公參自合到部關陞奉
聖十條 淳熙十年十月二十日 勅臣僚奏欲令吏部將二廣申到選

人京朝官大小使臣用考任關陞如已經本路運司公參照四川已得指
揮一體施行奉 聖旨依奏 乾道元年四月十八日 勅文武官監當

人依法合滿陸年到部關陞近來陳乞稱已到堂便理作到部放行關陞
顯屬弊倖今後並遵依見行條法須候親身到部方許關陞如人吏或有

違犯送所屬根究施行 嘉泰元年五月二十八日 勅吏部狀照得京
官大使臣陳乞開陞磨勘內有合用舉主並須照截日終舉主無責降事

故方許收使欲將京官大使臣所得舉狀照選人已得指揮據憑故散狀
附告示即與理作舉主收使施行奉 聖旨依同日準都省批下吏部狀

小使臣校尉陳乞開陞磨勘內有合用舉主亦合一體照三選已措置事
理施行後批從所申事理施行本所看詳前項逐件指揮為京官大小使

臣校尉使舉主事其選人指揮已修入侍郎左選考功申明今聲說照用。

尚書侍郎右選考功通用申明。嘉定八年六月七日。勅吏部指定四川宗室關陞通用陸考。欲展壹任貳考。通理捌考不釐務。放行關陞。奉

聖旨依承務郎以上

尚書考功令。諸使臣試換承務郎以上官。應入親民者關陞並依承務

郎以上法。諸監當人考任舉主雖應格內須監司壹員聽關陞。即犯公罪杖以下加舉主壹員私罪或公罪徒若虧課利壹分。課利並通比。若災

傷年分依放稅分數。除展壹任再犯或舉主未足者更展壹任。次任亦如之。累展通及拾貳年有舉主壹員聽入親民。其自使臣及承直郎以下

改授者許以未改授年月舉主通計關陞。諸知縣考任舉主雖應格。須壹任實歷知縣差違。職事官非舉主須監司壹員。在京內壹員本籍無本

轄者。止用待制權六曹侍郎以上舉主。聽關陞。刑法官不用舉主。即犯私罪徒情稍輕。加舉主壹員仍展壹任。私罪杖情理稍輕若公罪徒各加舉

主壹員。官觀獄廟並不理當任數。諸知縣親民人兩任與關陞內須實歷知縣壹任。官觀獄廟非奏補承務郎以上已關陞知縣及宗室換授理親民

人準此。即雖歷知縣及貳考以上。非因罪犯而不滿。終年離任者。候通歷任及陸年滿替。方許闕陞。諸通判考任。舉主雖應格。須壹任實歷親民。或刑獄差遣。舉主須監司壹員。在京內壹員本籍。無不轄者。止用待制權。六曹侍郎以上舉主。餘條用監司準此。聽闕陞。刑法官不用舉主。犯私罪。徒情理稍輕。加舉主壹員。仍展壹任。私罪杖情理稍輕。若公罪犯。各加舉主壹員。其在京倉炭場。左藏東西庫監官同。并壹任特旨。或壹任偶成兩任。舉主足者。不限實歷。亦與闕陞。官觀並不理當任數。諸承務郎以上。任在京倉界及炭場監官。任數舉主。應闕陞。而至界終。舉主有故者。聽收使。謂舉主事故。在應闕陞壹月之後者。諸侍從官舉陞陟。謂舉外州在任官。許當監司員數。諸蔭補承務郎以上。不因就試出官。候該闕陞親民者。更展壹員。監當如有舉主陸員與免展。諸武臣試換文資承務郎以上官。闕陞親民。聽以歷過武臣考第。兩考當壹考。零考不使。諸通判知縣。以負犯不理任。而復本等差遣者。無贓罪及公私罪情重。通前後成兩任。元犯贓。及被追官勅停者。參任。通判有舉主肆員。知縣參員。內監司各貳員。聽闕陞再犯準此。諸承務郎以上。以罪犯不理任。而因訴雪得除落罪名。合陞改資序者。許通計犯時任數。已成資者同。其遇恩。或特旨除

落罪名。依無過人例。同。亦許通計犯時任數。謂須本任合滿年月罷任者。方許通理。諸曾除名。公罪非。或元犯枉法。及監主自盜賊罪者。永不得入親民。諸犯入已贓罪杖。考任舉主。雖應格。不入知州。諸郎官任內。該關陞者。並通實歷年限。聽理合入資序。諸寺監長貳。並聽就任關陞。理合入資序。諸應關陞資序人。如歷任並係無人薦舉去處。聽不用舉。主曾任州郡。後除郎官。卿監。後為監司人。準此。諸關陞通判資序人。若不歷知縣。差遣。而曾任監司。郡守者。許依實歷。知縣關陞。諸祕書省官。已成任者。聽別理為任。就任關陞資序者。準此。諸八路應關陞知州資序者。並赴部關陞。

尚書左選令 諸奉直大夫以上免關陞注知州

尚書考功格 關陞 監當人 右滿陸年有舉主肆人入知縣 知縣人 右兩任有舉主貳人入通判 通判人 右兩任有舉主叁人入知州。

尚書考功申明 政和二年癸卯月一日 勅吏部狀勘會自來使臣鎖應及第。并因試換文資。雖通理任使。臣資考。若已關陞親民。或已歷數任親民。差遣。仍須換官。後再依承務郎以上法。要滿陸年。舉官肆人。內壹員監

司方許關陞親民如資考舉官等不應條法上合理作監當資序緣使臣所歷差遣與文資考任輕重不同今有宗室任使臣與監當壹任滿有舉官保明陞親民後理過壹兩任親民試充文資從來尚書左選據使臣日已經關陞換官後便隨歷過任數理為知縣資序更不經由考功依條改官請重別關陞考功依尚書左選據使臣任內歷過親民差遣理當知縣資序關陞通判緣熙寧元豐武臣試換關陞條內並不分別宗室免再勘會關陞之文況止因本部相承體例行遣終是有礙舊制今相度除已前用過使臣歷任理當親民關陞之人乞追改外今後並遵依熙寧條法施行更合取自朝庭指揮伏候指揮五月二十九日奉 聖旨依吏部所申

淳熙五年閏六月十三日 勅吏部狀照對郎官依條就理關陞合入資序多是先曾於知縣或通判資序上用考任舉主關陞於常格合用任數外有餘剩月日今若止自曾經關陞後別理前任不與攷使則郎官就理關陞專條遂為虛設乞今後郎官許通理關陞以前年月就理關陞合入資序奉 聖旨令吏部依郎官見行條法施行

選人

尚書考功令 諸迪功郎有出身參考無出身肆考有縣令舉主叁員與

縣令有職官舉主參員與職官知縣有出身肆考無出身陸考若前任令錄知令錄有職官舉主參員非今任停替者候參選與文林郎諸丁憂服闋并歷任曾經省併及朝廷持差職任并不因體量過犯移任對換在任及壹考人通理考第及自做親者非與理為任數入令錄諸知令錄非因事降入人壹任回內柒考入令錄人候及肆考拾考人及陸考無私罪及公罪徒不因體量過犯離任者與令錄諸流外人叁任柒考有縣令舉主陸員與就移縣令就移後通有使臣舉主參員與磨勘換本等使臣三省祇應人出職叁任柒考有縣令舉主陸員與占射迪功郎壹次經占射後通有使臣舉主肆員并從政郎叁任柒考常調迪功郎肆任拾考有使臣舉主陸員有私罪者添職司壹員或餘官貳員受供饋并和市有利利各計贓不滿匹者添職司貳員或餘官肆員並與磨勘奏舉移注依流內法進納攝官準此諸有出身兩任肆考無出身兩任伍考攝官授正官後叁任柒考流外肆任拾考與令錄若歷任有贓私罪及公罪徒并曾停替者更候壹任回流外人及拾叁考不展無上文過犯即與令錄因酬獎入令錄者自依酬獎法流外人有贓濫及三省祇應人出職者不得入令錄其進納人叁任柒考曾省試下者兩任伍考與令錄有犯準上法

若歷任有舉主會問應使舉主關本選。

侍郎左選尚書考功通用令。諸判司簿尉有出身兩任肆考無出身兩任伍考攝官授正官後參任柒考流外肆任拾考歷任無贓私罪及公罪徒或曾停替者與錄事參軍如有上文過犯即展壹任回。流外人及拾叁考者不展。以上非流外人曾有舉主肆員或合使貳員仍通注縣令。因酬獎入令錄者自依酬獎法。流外有贓濫及諸司驅使官散官三省祇應人出職者不得入錄事參軍。其進納人參任柒考曾省試下者兩任伍考與令錄差監當因酬獎與職官令錄者準此。有過犯準上法。諸奏舉職官人。用改官狀就職官同判司簿尉合入令錄者有出身陸考無出身柒考及前任令錄知令錄與文林郎餘與從事郎。諸迪功郎無出身人因應舉賜進士出身者許將無出身上歷過月日依有出身人法關陞。侍郎左選令。諸選人在任關陞移注判成訖限壹月出闕下本處罷任仍報後官赴上。諸關陞兩使職官者與免試恩例。淳祐令。諸迪功郎以上實歷及壹考聽舉關陞已滿叁考赴第貳任方許薦舉改官初任壹考以上不因罪犯罷者於後任換成叁考亦聽舉仍於奏狀內聲說前後任換成叁考因依即初任不成考雖後任成叁考者非

侍郎左選尚書考功通用申明。淳熙三年八月二十四日。勅吏部措置欲將四川選人陞改如會問得所用舉主若有事故違碍等因依放散計程在程限之內即與理作舉主收使如在程限之外即不許作舉主收使照會行在至四川制置使司會到進奏院稱常程合破叁拾日半到今來合破行遣日限壹日并承受舉主事故處關牒叁日共叁拾伍日如在叁拾伍日之內聽收使如在叁拾伍日之外不許收使奉 聖旨依 淳熙十六年八月十九日 勅吏部狀照對選人知令錄非因事降入人壹任回無過犯與令錄又條迪功郎有出身參考有職官舉主叁員與職官知縣若前任令錄知令錄有職官舉主叁員非今任傳替候參選與文林郎又令選人並以叁年為任其間有選人在任成貳考之後不因罪犯罷任之人到部陳乞關陞緣有尚書侍郎左右選考功通用令成資不因罪犯替移聽理為任係為注授條法本部輒引上條作壹任回便許關陞今聚議自今日改正外欲將似此已關陞人候將來改官日於常格滿陞考之外更展補壹考奉 聖旨依 慶元三年十月二日 勅臣僚奏欲將選人初官所得關陞職令狀許薦讀到部日即時理作放散收使候考第足職令狀及格方與關陞奉 聖旨依

侍郎左選申明。慶元四年六月十一日。勅吏部狀照得選人迪功郎歷任及宜考聽舉關陞縣令。或充從事郎。後來緣該慶典。覃恩循入從事郎以上之人。所得職令舉狀到部。遂行申請與作舉主收使。注闕從條免試。有其餘別用恩例。循從事郎以上者。吏部拘以非因。慶典。覃恩循入不與理作收使免試。今乞將元係從事郎出官。并其他酬賞循入從事郎以上之人。得薦舉職令狀到部。止許作免試注闕等用。即不許繳告關陞。奉 聖旨依。

尚書侍郎左右選考功通用申明。嘉定十七年八月十九日。勅臣僚奏請欲下吏部將選人在法該考舉關陞之人。今後任滿所得酬賞。並依格法指揮放行推賞循轉。不許引用乾道七年指揮作占射收使其選人該遇寶賞循資之人。如在壹年限內考舉及格。合該關陞。許召本等保官兩員。仍批書印紙於關陞官上循轉本部。證得選人奏舉關陞考第舉主及格。并常調關陞考第應格。該關陞之人。所得任滿酬賞。依今來奏請。並與放行推賞循轉。十二月一日奉 聖旨依。

侍郎左選申明。寶慶三年九月十八日。尚書省劄子。臣僚奏應元係從事郎出身。及以恩賞循從事郎人。所得職令狀。並與依格作奏舉關陞收

使。其合繳告奏舉關陞者。並依舊法。奉聖旨依。看詳上件指揮。吏部勘會迪功郎若因恩賞循至從事郎。及出官便是從事郎。有縣令舉主參員。考任及格。即合關陞從政郎。係是折資關侍左將考第。舉主合入從政郎人。理為奏舉令錄入關。如合入從事郎人。即當奏舉職官。並在正格關陞人。之次。今存留照用。

尚書考功申明。端平三年四月十一日。勅吏部指定選人。因考第舉主及格。合該陳乞換給磨勘改官。并合到部陳乞關陞循資之人。並照元降指揮。經本路運司公參理當到部。近却於別路計會保明申發文字。避免遺闕。縮繫下四路運司。如見得各官前任不係當改官屬。即不得放令參司。選人陳乞舉主。揆歷捌考。不曾關陞。作應理知州資序。收使舉狀。係謂選人所得改官關陞職令。舉狀四川合理到司。月日。餘路合理到院日。為放散。其間有舉主責降。或與官觀降。指揮月日。在舉狀到司到院之前。不該收使契勘得舉狀。已經關陞知州以上資序。或發奏之日。官序係奉直大夫以上。並合照應放行收使。緣其間有舉主於發奏之日。官序未至奉直大夫。又不曾經本部陳乞關陞知州資序。及發奏在被罷降指揮之後。本部却與照舉主於改官後。係通揆歷捌考。作應理知州資序。放行收

使舉狀於條有礙欲舉主知州資序照見到奏狀內職銜施行奉聖旨並依
侍郎左選申明 淳祐四年正月空日都省劄子吏部申淳祐三年九月
空日省劄修纂條例所看詳侍左具到壹項竊詳選人初任壹考以上聽
舉關陞通次任及參考以上聽舉親民此謂發奏受舉之月日今乃妄以
舉狀到部月日理計委是違戾監司州軍歲有舉負如隔年未舉者許遞
舉此謂前壹年未舉負數許於次年補發今乃妄以次年舉負攙先隔歲
發奏委是違戾下吏部遵守見行條法不許引用弊例本部契勘得六曹
長貳每歲舉本曹架閣改官壹員如歲終無架閣可舉換舉所隸官屬往
往不候歲終預先發奏若不與收使則有許換舉之文若與收使則礙歲
終舉官先後若不立為定制竊慮寔壞成規如有仍前不候歲終先發換
舉狀到部併不該收使劄付吏部照會施行 淳祐七年二月二十三日
尚書省劄子前江西提刑兼知贛州鄭逢辰申兵鈐司歲舉兵官員額外
添舉改官關陞狀各壹員以舉文臣之用力者其改官狀兩歲共舉壹員
係舉兵鈐司屬官及討捕有功人奉 聖旨並依

侍郎左選考功通用申明 寶祐元年九月空日尚書省劄子司農少卿
兼左司趙崇微狀照對委崇微提督修纂條例捷吏部侍郎左選具到條

例內壹項檢坐嘉定十年三月十七日都省批送下本部照得在法迪功
郎以上實歷壹考聽舉關陞已滿參考第貳任方許薦舉改官今諸路州
軍不照先行條法選人未及壹考乃發職令狀初任止及壹考於次任未
貳考又初任及貳考至次任未及壹考乃發改官狀如下半年舉狀却於
上半年發上半年舉狀却於先壹年歲裏發奏有礙條法洎不該收使却
謂發奏日雖未及合舉條限到部日已及條限如此陳乞四川尤甚非惟
破壞薦舉條法強有月者皆接先取之孤寒後至者皆無望焉本部檢具
薦舉條法及慶元三年十月三日指揮應舉改官負數隔年舉到官者與
放行收附竊詳選人初任壹考以上聽舉關陞通次任及參考以上聽舉
親民此謂發奏受舉之月今乃妄以舉狀到部月日理計監司州軍歲有
舉負如隔年未舉者許通舉此謂在前壹年未舉負數許於次年補發今
乃妄以次年舉負接先隔歲發奏委是違戾欲申遵守見行條法不許容
令引用弊例仍先次行下吏部照應遵守施行九月二十七日三省同奉
聖旨依

武臣

尚書侍郎右選考功通用令 諸使臣雖該關陞親民若係差替回者更

候壹任回與關陞。諸使臣補武學上舍生出官者減壹任監當。
尚書考功令。諸使臣兩任監當實及陸年滿替年叁拾以上者與關陞
親民。若兩任伍年及曾任川廣共及肆年各再入監當候及貳年許就移
親民。諸使臣因奏補及諸色出身考任應關陞親民者內須兩任肆考
立定名色差違。宗室止用壹任差務貳考。通不差務肆考。聽通理關陞軍
班武藝出身人準此。凡從軍人或曾任軍中差違考任已及而離軍者不
拘此令。諸武舉出身人特奏名同。兩任成資替罷者許關陞親民。諸
大小使臣見任諸軍差違自給到理任差帖印紙日實及陸年無朝廷什
身兵或日當壹日內須歷正將以上差違肆考。如因陞差改差或改移軍
分並聽通理月日許具錄家狀印紙召本色保官貳員委保無過犯。經所
在州軍陳乞差官點對無差漏保明申尚書吏部聽與就任關陞親民依
舊從軍使喚。諸使臣曾除名公罪非及犯枉法監主自盜賊永不入親
民。即因勞績應賞者具元犯取裁。諸閭門宣贊舍人關陞並依武翼郎
至武功大夫法。諸進納人監當滿柒年無遺闕有監司知州通判通及
參員同罪奏舉陞陟者與親民。諸佞人不得陞入親民。
尚書侍郎右選考功通用申明。乾道八年十二月二十八日樞密院劄

子。奏節文吏部申勘會諸軍冒名承代官資。並已改正。所有曾經關陞及給差帖印紙。未敢便行通理接續批書。照得元降指揮內。即不該載。今措置欲乞就己給印紙批書。改正姓名。通理接續考第。其已關陞親民人。依舊理親民資序。奉聖旨依。又九年九月二十一日。樞密院奏節文吏部申。并供到狀。勘會冒名承代付身。已鐫減補正官資。未經關陞。已給吏部理任差帖印紙。授鐫減付身。日起理關陞。奉聖旨依。吏部勘會。并供到狀內事。理施行。

尚書考功申明 淳熙四年三月二十四日。勅吏部狀。據從義郎應材乞將選人上歷過考第。接理於武臣。上收使關陞。竊詳在法武臣試換文資。承務郎以上。關陞親民者。聽以武臣考第。兩考當壹考。零考不使。本部聚議欲將本人。昨任選人。日所歷考第。比附上條。參考作壹考。零考不使。於使臣上。作考第。接理關陞親民。奉 聖旨依。本所看詳前項指揮。雖止為應材所降。竊恐日後有似此之人。今編節存留申明照用。淳熙六年二月十三日。勅吏部狀。臣僚奏武臣考任關陞。緣不曾立定名色。有司無以遵執。乞令吏部措置。今指定到合該關陞名色下項。

在內九項 監左藏。東西南庫。封樁庫。 監行在建康鎮江府。權貨

務都茶場 監行在省倉上中下界 監行在豐儲倉 監行在贍
軍激賞諸酒庫 監都錢庫 監行在草料場 監雜買務 監雜
賣場

在外五十二項

制置司 沿海統制

安撫司 水軍統轄 水軍統領

轉運司 監酒庫

鑄錢司 措置銅場 措置銀銅場 檢踏官

總領所 監酒庫 監倉庫 監戶部大軍倉 措置糴買官

諸路州軍 知縣 縣令 縣尉 正將 副將 準備將 軍

備將領 都巡檢使 都巡檢 巡檢 水陸巡檢 管界巡檢

同巡檢 巡捉私茶 巡捉私鹽 兵馬都監 駐泊兵馬都

監 兵馬監押 駐泊兵馬監押 文州宕昌寨駐泊 知寨

左右江鎮寨兵馬賊盜公事 知城 知堡 知城堡 寨官

知關堡 同知關堡 軍使 監倉場庫務稅監院鎮 監鹽井

排岸 支監官 主管權場官 文州南路鎮 主管宕昌寨

貢馬。寨主。銀銅場監轄使臣。主管堡。主管關堡。同主管堡。

本部令指定使臣歷任實及陸年內演歷前項名色肆考方許關陞親民奉。聖旨依吏部措置指定到事理施行本所看詳前項指揮內左藏南

庫積降指揮改作左藏封樁下庫今聲說照用。淳熙六年七月六日。

初路分都監副都監職任在州都監之上合放行關陞其諸路總管鈐轄

州總管鈐轄提刑知州軍準此。淳熙八年十二月十四日。初紹興府

橫宮內外巡檢即係巡檢稱呼與放行關陞。淳熙十年七月十九日。

初皇太子宮主管左右春坊依在內差遣關陞。淳熙十一年十二月十

三日。初主管永康軍葦崖關職任與知關堡事體一同理當名色放行

關陞。淳熙十二年六月一日。初知關門事理當名色關陞。淳熙十

三年四月二十六日。初軍器所提轄監造受給官與入關陞名色。淳

熙十六年八月四日。初監兩浙西路安撫司回易庫與理作關陞差遣

紹熙二年九月一日。初關門舍人係是召試與依武舉出身放行關

陞。慶元元年七月二十一日。初提舉興州仙人原一帶關隘比之知

關堡事體尤重。理為名色關陞。慶元三年十月十七日。初帶御器械

理作關陞名色。慶元五年正月十七日。勅閤門宣贊舍人日在殿陞
應奉事體繁重。可將見供職人入額實及陸考。依內外場務官例與理關
陞。慶元五年二月二十九日。勅江南東路安撫司親兵統領并幹辦
廣南西路網馬驛程與理作關陞差遣。嘉泰四年八月二十四日。勅
江南西路安撫司親兵統領理作名色關陞。淳熙九年十二月二十六
日。勅吏部狀勘會武臣關陞親民曾立戰功人。依舊法即是不拘正將
以上差遣肆考。但歷軍中差遣陸考。便許關陞緣指揮內不曾該說離軍
後理在軍考任從軍後通理外任。月日今指定從軍人曾歷正將以上
差遣及曾立戰功未經關陞離軍後歷外任。亦差不差務非。揆及陸考方
許關陞。不曾歷正將以上差遣。又不曾立戰功離軍後須歷立定名色差
遣肆考。方許通理在軍考任。貳考揆成陸考關陞止。歷過正將以上差遣
貳考離軍後再歷立定名色差遣。貳考方許通理在軍考任。揆成陸考關
陞已歷立定名色差遣。貳考從軍後再歷正將以上差遣。貳考及軍中差
遣貳考揆成陸考方許關陞奉。聖旨依吏部指定到事理施行。本所看
詳前項透件指揮。並為理作關陞名色差遣。今編即存留照用。
尚書侍郎右選通用申明。寶慶二年四月十七日。勅吏部勘當廣西

轉運司申賓州管界巡檢欲下本司不以有無拘礙許曾經任巡檢或主
兵官已開陞親民首序無過犯大使臣通差年未陸拾應邊功或材武無
贓罪人奉 聖旨依

尚書侍郎右選考功通用申明 寶慶三年五月十五日 勅自今右選
須關陞親民陸考方許辟邑試邑後歷兩任方許辟州武舉從軍人依舊
例作縣舉須歷計議等官然後該差

尚書侍郎左選通用申明 紹定六年四月十九日都省劄子知贛州姚
鏞申兼提舉南安軍南雄州汀州兵甲司公事欲於每歲元舉兵官負額
外許舉改官親民任使關陞狀各壹紙奉聖旨權依本所看詳前項指揮
續有淳祐七年二月二十三日指揮兩歲共舉改官壹員今聲說照用

尚書侍郎左右選考功通用申明 淳祐三年九月空日尚書省劄子編
修勅令所申吏部看詳考功郎官劉漢弼奏請閤門宣贊舍人入額陸考
與理關陞閤門關報添入宣贊舍人以下在外監當關陞猶用陸考則施
之閤職無不可者契勘委有以下戴字即與一體施行竊詳慶元五年指
揮閤門宣贊舍人以下在殿陸應奉事體繁重為係特差昨來吏部有失
條具關陞所合遵照慶元五年已降指揮施行本所契勘上項指揮係是

閣門取降委有以下貳字吏部已指定稱合遵照施行本所今審訂欲從吏部已指定到事體施行右劉付吏部從所申事理施行

資序服色撮要 應稱職官者係承直郎至從事郎應稱令錄者係從政郎 應稱知令錄者係修職郎 應稱判司簿尉者係迪功郎 應稱判

司者係軍巡判官司理司法司戶參軍 應稱簿尉者係主簿縣尉 應親王府翊善贊讀直講記室同知係第叁任知州理提點刑獄司資序第

伍任知州理轉運使資序

應正入資序 三路轉運使發運使合差第叁任轉運使資序人 三路

轉運副使發運副使諸路轉運使差合入第叁任提刑資序人 諸路轉

運副使差合入 貳任提刑資序人 諸路提點刑獄差合入第貳任知

州資序人 諸路轉運判官諸路提舉差合入第貳任通判資序人 應

知州軍監通判並借緋若通判資序簽判及兼兵知縣或朝廷選擇知縣

者準此 應知州已服緋及知節鎮者各借紫若曾任知州已借紫雖知

軍監亦借紫 應部闕知縣除極邊次邊外餘並不許借緋 應品官服

紫緋皆佩魚品未至而賜服若借者於衙內帶賜及借 應通仕登仕將仕郎若攝官及州職醫助教並服綠 應寄祿官肆品以上或且內侍同服

紫寄祿官陸品以上服緋玖品以上服綠。應醫愈轉醫痊醫効服緋紫者。並賜魚袋。應職事官堂除知縣許借服色。應關陞資色服色除前項聲說外餘依本法。

資序

尚書侍郎左右選通用令。諸以奏舉。若恩賞及考任應陞改資序已注八路闕而因罪不應得者。報本路改差。公罪聽赴任。止理本資仍闕考功。

諸就注八路闕而應陞改資序者。差訖闕考功。其奏差者準此。

尚書侍郎右選考功通用令。諸使臣補武學上舍生出官者。減壹任監當。諸未到部人。非次差移而年限應關陞者。雖未納印紙。及歷任狀聽為親民人。已注而資序未應入者。就任改正。

尚書侍郎右選通用令。諸使臣注授親民。差遣其資序未正。見帶權。若關陞應落權者。擬鈔以聞。諸親民闕。巡檢替回未經比較賊盜。而直注及監當人關陞已應格而就注。並預擬親民資序。如合降等及未應關陞者。就任改正。

尚書侍郎左選通用令。諸州學教授應陞改資序者。聽就任改正。尚書左選令。諸轉運判官以上。及提舉常平茶鹽官。關到應改落權。及

權發遣者擬奏。

侍郎左選令。諸奏舉職官知縣縣令非體量過犯未成資離任及因違法差出破考不成資者理元奏舉資序如考任合入令錄願依常調者聽諸朝廷差任及因舉辟差注若考任合入令錄者與備正本資序成資用恩例陳乞罷任者準此。諸應備資而不願罷任及就任得改正資序者各理本資通理年月滿替。諸歷任誤有超折資序者與改正仍具奏聞餘錯誤即注案籍須照會者給公據。諸稱職官者謂承直郎至從事郎稱令錄者謂從政郎稱知令錄者謂修職郎稱判司簿尉者謂迪功郎稱判司者謂軍巡判官司理司法司戶參軍稱簿尉者謂主簿縣尉。諸考功關到選人應陞改資任者並日下注籍及版榜曉示滿拾日方收仍委郎官常切點檢。

尚書考功令。諸奏舉職官知縣縣令不因體量過犯離任及緣違法差出破考雖未成資並理元奏舉資序即考第合入令錄而願依常調者聽諸親王府翊善贊讀直講記室同係第差任知州者理提點刑獄司資序第任任知州理轉運使資序。諸宗子應舉得出身者與陞壹等資序。如初任人陞入第或任之內已理親民者準此。諸轉運判官以上及提

舉常平茶鹽官。應落權及權發遣者。檢舉關吏部擬奏。諸銜替應降資序者。事理稍重。降壹等。重降貳等。若降等而無等。可降並別展年。諸文學注權入官者。在任參考外。理為正官資序。入路貳考外。準此。諸酬獎或特恩。備資者。謂非得替。酬獎者。從事郎以上。及帶官別領職任。與就任

循正資序。不願罷任者。與理本資。通理年月滿替。

尚書考功格。轉運判官以上。及提舉常平茶鹽官。正入資序。三路轉

運使。發運使。右差合入第叁任。轉運使。資序人。三路轉運副使。

發運副使。諸路轉運使。右差合入第叁任。提刑資序人。諸路轉運

副使。右差合入第貳任。提刑資序人。諸路提點刑獄。右差合入第

貳任。知州資序人。諸路轉運判官。諸路提舉常平茶鹽官。右差合

入第貳任。通判資序人。

尚書右選申明。政和七年十一月空日奉。御筆應見理路分鈐轄路

分都監州鈐轄資序。並改正。今後如敢奏請陳乞。理為資序者。以違。御

筆論。仍委御史臺覺察。彈奏。雖奉特旨。亦許樞密院執奏。不行。本所看詳

上件指揮。係約束止絕。奏請陳乞官司。委御史臺覺察。樞密院執奏。其指

揮內違。御筆論。依靖康元年五月十八日。勅。合作違制論。緣事干內

外理合通知存留遵用施行。

尚書侍郎右選通用申明。乾道八年七月二十四日。都省批下吏部申
訓武郎張立狀。係歸正人。已蒙添差監吉州板木場。不釐務準考功告示
合關陞親民資序。乞添都監差遣。申省乞給降付身承後。批張立監
吉州板木場。元係具鈔。今來止因關陞隨資序。乞改差遣。却專降指揮
侍右。似此之人。見行具鈔。陞改送吏部。今後應似此之人。一體具鈔施行。
本所看詳上件指揮。內大使及官稱改作訓武郎。今聲說照用。
服色

尚書左選令。諸知州軍監通判並借緋。若通判資任願就簽判及兼兵
知縣。或朝廷選擇知縣者。準此。內知州已服緋。及知節鎮者。名借紫。即曾
任知州已借紫者。雖知軍監亦借紫。諸醫愈轉醫痊。醫効服緋紫者。隨
告仍賜魚袋。

尚書考功令。諸命官陳乞磨勘服色年限內。曾內罪編羈管。勒停責授
散官。追官。或居住。若除名。後雖已改正過名。而無理元斷月日之文。其以
前被罪年月並不許收使。承直郎以下。勒停非追官者。自依本法。諸叙
服色者。致仕。陞朝官同見任。自出官釐務日理。朝廷差委行事。及權攝月

日非即使臣換授文資者聽以使臣准事兩日理宜日三省人自書今史
日理以上若無干照者召世朝官或員交併勘當訖關尚書禮部其未經
釐務及尋醫侍養隨行隨侍指教同丁憂自從吉日理免侍服或服未期
特恩授官者許通理疾病假滿出落班簿責授散官追官若停殿月日並
除豁即犯贓濫者不用此令

淳祐令 諸品官服紫緋皆佩魚品未至而賜服若借者於銜內帶賜及
借 諸通仕登仕將仕郎若攝官及州縣醫助教並服綠 諸寄祿官肆
品武臣內侍同服紫寄祿官陸品以上服緋玖品服綠

尚書考功申明 紹興三十二年十月十七日 勅禮部狀勘會官負陳
乞依敕將本身合該改轉章服回授與父改轉祇授雖承指揮許依所乞
竊慮後敕再將已使過回授年月復行陳乞改轉本身服色委是重疊今
來合自降許依所乞指揮下日重別起理年限若後來過敕年及應得敕
文方許陳乞自身改轉服色奉 聖旨依

尚書左選申明 紹興三十年九月十五日 勅紹興府會稽知縣銜內
帶兼主管攢官事務仍借服色 淳熙元年五月六日 勅權吏部尚書
李彥穎劄子勘會昨降指揮乾道五年待闕職事官已添差任滿之人可

與堂除外任差遣內有任滿已改官人令赴部注授近發下堂除知縣仍
理作堂除人指揮添差任滿初改官人更於部闕通注仍理作堂除本部
近據前項官乞依指揮理作堂除并借服色除曾差職事官依指揮理作
堂除所有乞借服色未曾放行兼有昨來除授行在主管六部架閣例家
添差任滿改官到部注授知縣乞理作堂除借服色本部今相度欲將前
項官並與理作堂除并依自來堂除知縣體例許借服色施行奉 聖旨
依 嘉定十七年十一月七日尚書省劄子今後應差部闕知縣除極邊
次邊外餘並不許擬申借緋

尚書侍郎左右選通用申明 嘉定九年五月十九日 勅吏部申勘當
到白劄子陳銓曾引例破條之弊乞下吏部遵守條法數內一項應被旨
奉使屬官理為資任此為已出官者有未銓試人經營差遣後來銓中却
將未銓中以前月日理作差務考第或捺理磨勘或陳乞服色委是冒濫
本部指定只合將銓中已注差遣之後被差月日照用通理奉 聖旨依
淳祐八年七月空日尚書省劄子勘會自來知縣借緋止是兩赤縣仁
和錢塘及紹興府會稽照嘉定十七年十一月指揮今後堂除部闕知縣
除極邊次邊外餘並不許擬申借緋七月七日奉 聖旨令吏部照應遵守

改官門考第改官 剛實改官 致仕改官 改官通用 世改 備改
改官撮要 應承直郎至修職郎陸考。迪功郎柒考。有改官舉主伍員內
職司壹員與磨勘依格改合入官。歷拾貳考以上。減常員舉主壹員。歷拾
伍考以上。減職司舉主壹員。應選人歷兩任陸考。舉主未及格。至第叁
任如在半年內舉主及格。須再滿壹年通及柒考。方許磨勘改官。應
選人歷兩任止及伍考。舉主却已及格。至第叁任及壹考。考第足之後
再須滿壹年通及柒考。方許磨勘改官。應選人歷兩任伍考。舉主未足
至赴第叁任成壹考。舉主及格之後。再須滿壹年前後通及柒考。方許磨
勘改官。應選人歷柒考。已有舉主肆員。到官後舉員及格。須通任半年
方可離任。半年以後足者。即與放行。通及柒考。方許磨勘改官。應選
人在任考第。舉主應得條法指揮合該磨勘。如係沿邊從本任監司州軍
保明申部與先次注籍。候正官交割。方許離任。其餘監司州軍亦須保明
申部。候部符行下方許不候替人離任。赴部班改。應選人任國子太學
正錄。武學諭。在職壹年以上。通歷任滿伍考。改合入官。應選人任太學
武學博士。在職壹年以上。通歷任滿肆考。改合入官。應選人任宗學傳
士。依太學博士格法。在職壹年以上。通歷任滿肆考。改合入官。應選人

任宗學諭。休國子正錄格法。在職壹年以上。通歷任滿伍考改合入官。
應選人任太社籍田令。不以有無出身。到任及壹年通歷任滿肆考改合
入官。應選人任大理司直。照太社籍田令格法。不以有無出身。到任及
壹年通歷任滿肆考改合入官。應選人任大理評事。在任及貳年通歷
任滿伍考。有改官舉主叁員改合入官。應進士及第。第貳第叁人壹任
回與磨勘改次等合入官。應選人軍功出身。歷任玖考。有改官舉主陸
員與磨勘改合入官。應選人進納出身。歷任拾考。有改官舉主柒員與
磨勘改合入官。應選人係奏舉職官知縣縣令。人得替任內有改官舉
主兩員與循壹資次任。知前任有改官舉主兩員與磨勘改合入官。謂奏
舉職官知縣縣令。得替任內有改官舉主兩員與循文林郎。次任如前任。
有改官舉主兩員與磨勘改官。係減舉主壹員。若次任考舉不如前任。即
不應次任。如前任改官之法。其前任改官舉主兩員。又係已行。以使循資
合別用改官舉主伍員。方許磨勘改官。應選人乞致仕。如曾經關陞通
滿陸考。舉主勞績常調。並月歷任無贓罪者。與改轉通直郎。應修職從
政從事郎。謂因恩實循轉者。乞致仕。並照已歷考第依格改合入官。進納
派外出身止與循資。應迪功郎。乞致仕。照已歷考第與依格改合入官。

進納陸考流外肆考及已任上州判司並與備資餘守本官致仕應考
舉及格合該改官歷任內有過犯須經叙改方許班改應選人改官除
前項聲說外餘依本法

考第改官

侍郎左選令諸磨勘人承直郎資序及儒林郎係進士明經九經出身
改陞朝官餘改合入官諸迪功修職郎因恩賞備從事郎該改官者如
考任合入從政郎並依從政郎法未定重定諸受供饋及和市有利利
計贓各不滿匹磨勘者改次等合入官仍不越宣教郎諸合磨勘人丁
憂服闋者與陞半年名次若已判成丁憂者限叁日關會所屬先次入甲
引見已榜甲而投狀者入次甲諸磨勘應改官者關會出榜以肆人為
壹甲伍日以次引見未及肆人即展至拾日雖不及亦聽引見酬獎人附
甲並前壹日引驗取不得唐突狀引見日事應奏請及功過別該陞黜者
並奏稟

侍郎左選尚書考功通用令諸承直郎至修職郎陸考迪功郎柒考有
改官舉主伍員凡拾貳考以上無職私罪人與減壹員內職司壹員與磨
勘公罪兩犯杖兩犯苦比壹犯杖或壹犯徒以上加壹考私罪苦仍加舉

主壹員杖以上加貳考。仍添舉主貳員或職司壹員。如超折及權官者依本資已上若曾經改正與免加展其所犯雖非前項公私未經改正者亦不許磨勘改官。景定重定。諸合磨勘人任滿或成資罷任謂非因體量過犯者。丁憂服闋并本任已滿朝旨抽赴闕者到部投狀應就任磨勘者依本法內曾因公事致私罪徒情理輕稍輕及犯私罪杖以下情重者錄歷任及過犯奏裁若私罪杖以下情理稍重或公罪杖以上若犯公罪徒會恩自首去官降從首并曾停替者錄歷任及過犯申都省餘依例磨勘引見其犯私罪徒或曾犯姦賊姦謂元犯至徒者及緣餘事到闕不許投狀。諸堂除選人任大理評事。謂非曾試中刑法第貳等下以上人入者到寺供職滿貳年通歷任及伍考有改官舉主參員與改合入官。景定重定。諸進納人陸考有職官或縣令舉主肆員與移注肆任拾考有改官舉主參員與磨勘。諸選人任太社藉田令在職壹年以上者不以有無出身通歷任滿肆考改合入官。諸州教授考任並通理應磨勘者候任滿赴部投狀。

尚書考功令。諸選人不許將歷過迪功郎壹色陸考理作應關陞循資考功磨勘及不得用減年作實歷。諸選人應改官者不得陳乞就任磨

勅本條指定者非。諸改官考第舉主已足。而因隨府罷任者與磨勘。

諸不因體量負犯罪任人考第舉主足應磨勘者。依得替法。謂借資成或

考罷任在外指射人。諸歷任曾受供饋并和市有利利各計贓不滿匹

者。如合磨勘更候兩任無私罪。舉主通及拾員與磨勘。諸歷任曾失入

死罪。謂惟勅官未決者兩該磨勘已決者。叁該磨勘。其舉主逐次別理人

數。申都省。即以酬賞應改官者取裁。諸合磨勘人若已待次而丁憂者。

到部限叁日關會所屬。諸舉主應使者其見任官資責降事故過犯。或

體量陳首並會所屬舉主。謂改官及奉職官。除條準此。

尚書左選令。諸承直郎以下任京局差遣。就任改官者聽罷。除職及有

專法別理資任者非。

尚書左選考功通用令。諸州教授該磨勘。而別除授差遣者。許磨勘訖

赴新任。

酬賞改官

侍郎左選令。諸酬賞應改官。而歷任有過犯者。其所犯申都省取旨改

官。即特旨與改本等。或次等官者。依特旨。諸水土惡弱酬獎該改官者。

本路人即於引見劄子內。貼出本貫州縣臨時取旨。廣南東西路人。互注

秩者亦同本路。諸以捕盜酬賞應改承務郎無等可降而合換降等使
臣者止降壹等。諸選人初官復盜應改官者先次注籍候任滿無過犯
依條施行。

侍郎左選尚書司勳通用令。諸選人獲盜合改轉次等官而無等可降
者謂改承務郎展貳年磨勘。諸獲賊改官者隨奏舉改官人班次引見
訖方許依格改轉。諸贛州龍南安遠縣令叁年替無公私過犯任內舉
主未及貳員許通用前任舉主改官仍免職司或止有前任舉主叁員聽
本路提點刑獄同守臣照改官狀式後犯入已贓甘當同罪連銜保奏亦
與改官。

淳祐令。諸賞應轉壹官者承直郎以下因軍功改合入官捕盜改次等
合入官非軍功捕盜者迪功郎不滿伍考從事郎修職郎不滿肆考丈林
郎從政郎不滿叁考並循兩資。諸賞應減磨勘叁年者因軍功改次等
合入官。

淳祐格。命官。親獲強盜。殺人。減磨勘叁年。壹拾人。轉壹官。
親獲兇惡強盜。伍人。減磨勘叁年。殺人。轉壹官。
致仕改官。

尚書侍郎左右選通用令。諸奏到乞致仕人。在部者聽經部役狀。若歷任半年以上。流外進納人。不以曾未歷任。會問磨勘奏聞。有過犯即於任下略注事由。如與致仕即關戶部。諸乞致仕歷任未及半年者。以本官致仕。諸以本官致仕者。更不給告。即見折資者擬本官。

侍郎左選令。諸曾關陞通滿陸考人。舉主勞績常調並同。無贓罪致仕者。與改轉通直郎。

尚書考功令。諸奏到承直郎以下乞致仕人。會問磨勘關本選。有過犯即於任下略注事由。如生前曾陳乞致仕。雖身亡者準此。即曾失入死罪者。自依本法。

侍郎左選格。

致仕擬官。從事郎以上。右改合入官。進納循資。從政郎。修職郎。右改合入官。進納流外循資。迪功郎。右改合入官。進納陸考。流外肆考。及已任上州判司。並循資。餘守本官致仕。

改官通用。

侍郎左選令。諸歷任曾失入死罪。已決貳人。或壹人情重。而應磨勘者。改次等合入官。仍於引見劄子內貼出。其因酬賞該改官者取裁。諸應

改官。而見任與所理官資序不同者。依所理資序改官。諸得循資未收使而應改官者。以所循資序改官。已致任人準此。諸改官人應出請受文曆者。限次日關報太府寺。仍以千字文為號。

尚書考功令。諸八路選人有改官以上酬獎及舉主足該磨勘者。並赴部侍郎左選格。考定重定。改官。承直郎。右陸考有出身奉議郎。餘人通直郎。不滿陸考有出身通直郎。餘人宣教郎。儒林郎。右陸考有出身通直郎。不滿陸考。及餘人並宣教郎。文林郎。從事郎。謂奏舉職官知縣者。從政郎。右陸考有出身。及餘人並宣教郎。不滿陸考有出身。宣教郎。餘人宣義郎。不滿參考有出身宣義郎。餘人承事郎。從事郎。謂恩賞借轉者。修職郎。右陸考有出身宣義郎。餘人承事郎。不滿陸考有出身宣義郎。餘人承事郎。不滿參考有出身承事郎。餘人承奉郎。不滿陸考有出身承事郎。餘人宣義郎。不滿參考有出身宣義郎。餘人承事郎。不滿陸考有出身承事郎。餘人承奉郎。不滿參考有出身承奉郎。餘人承務郎。

侍郎左選尚書考功通用申明。乾道元年十二月十九日。勅權吏部尚書魏杞劄子。契勘右從政郎前惠州司理參軍王綰乞磨勘改官。照得

本官初補付身。係因伯中奉大夫孝開該遇。冬祀大禮。奏補登仕郎。當
來館元係孝開之子。過房在叔孝先房下。承伯恩澤作姪。奏補登仕郎。後
因伯病危。而令館歸宗侍養。尋將元補付身并歸宗公據會到尚左攝宗
子歸宗。或冒親被蔭。自陳者聽改正。雖經陞改。仍依初補法。本部未敢放
行磨勘。後批送部指定本部契勘。本官當時係本人所生。父過房與弟孝
先作子。緣所生父將合得恩澤蔭補本人作姪承受。今來雖已歸宗。其已
承恩澤。即係元所生父。應奏補恩澤。授今指定合取自朝廷指揮。十二
月十九日奉 聖旨。令吏部放行磨勘。慶元六年三月二十三日。勅
吏部看詳。臣僚上言。第一項淮南兩路及京西路無正提刑處。歲終不除
轉運使副。以均舉使副員數。理為職司。其他路自有提刑。如轉運。歲終不
除使副。並不理作職司。今欲從臣僚奏請。第二項選人改官。職司文字不
限員數。今欲從臣僚奏請。奉 聖旨。並依。慶元六年十月十四日。勅
吏部狀。欲將拾貳考以上有舉主肆員之人。仍依舊來已行不許減職司
外。所有歷拾伍考以上無贓私罪犯人。不拘職司員數。若有該狀使舉主
肆員。從減舉主條法。放行改官。奉 聖旨。依吏部所申。嘉泰元年八月
二十九日。勅吏部狀。新州奏乞將新州選人簽判推官縣丞等不問破

格折資。但考第及格。有改官舉主伍紙常員入任以來無公私過犯與磨
勅送部勘當。照得新州簽判縣丞緣係京官寮闕京官無緣肯就。必是選
人破格注授。本部契勘選人破格簽判縣丞司理。欲從本州所乞止用伍
紙常員改官奉。聖旨依吏部勘當。并本州元申事理施行。嘉泰四年
九月二十五日。勅吏部狀四川選人合該磨勘換給改官人間有孤寒
者雖考第舉主及格。已經制置司給到照劄實日在前緣無力遣人隔年
方得到部。其有力者雖給到照劄實日在後則撓先到部在前攘奪歲額。
深慮未便。乞下四川制置司如遇四路漕司保明申到考第舉主及格已
經先次放散之人出給實日照劄付改官人收執。仰制置司將已給實日
照劄月日。每月壹次入月遞申尚書省并吏部照會施行奉。聖旨依吏
部所申。開禧元年五月十二日。勅侍從臺諫兩省官集議。臣僚奏薦
舉之弊。臣等照得淳熙七年。孝宗皇帝因改官員數稍多。故變而通之。
減舉員數。却令逐紙放散。立定每歲捌拾員為額行之。累年所舉員數已
是適中。止緣近年額外復放班引。是致員數滋多。殊失當時立額之意。又
緣考舉及格。許令不候替人離任赴部磨勘。愈覺人數積壓。又臣僚昨來
奏請歷拾貳考不用舉主及減舉主太多。許令改官積此三事。所以每歲

班引之外溢額數多若堅守 孝宗皇帝立定捌拾員之額斷不許額外
放班執定歲額雖有特放指揮許吏部執奏不行如待班之人妄有陳乞
許臺諫給舍彈劾繳駁庶可杜絕俾求不致冗併其考第舉主及格之人
須要成資書滿然後許其解罷赴部即不許妄引親嫌陳乞離任如有偽
妄保明官司及保官並令吏部具申朝廷取 旨責罰及曾歷拾貳考無
過犯依舊法止減常員舉主壹員其諸路合減舉員處并初任已成叁考
赴第貳任方許受薦並依見行條法指揮外所有昨來一時申請曾歷獄
官縣令監當餘官揆拾貳考改官及拘以考數受薦指揮更不施行一遵
孝宗皇帝淳熙七年二月集議指揮今來既無額外放班等事則委合
臣僚建請救弊之意臣等所議可行即乞下吏部自今降指揮日並依此
施行奉 聖旨依集議到事理施行本所看詳上件指揮內一項考舉及
格人須要成資書滿然後許其解罷合遵照嘉定八年淳祐三年分別改
官離任考第指揮今聲說照用

侍郎左選申明 乾道二年三月空日 勅吏部措置遇選人引 見日
令立班移近 軒陛逐一 宣名其間 聖意或有所疑之人即乞指名
宣諭吏部侍郎同到都堂審驗如不中選取 旨別作施行奉 聖旨

係 淳熙七年四月十一日 勅吏部狀承淳熙七年二月二十三日

勅歲引改官權以柒拾員為額即未審職事官及四川換給改官人係與

不係今來柒拾員額之數奉 聖旨通以捌拾員為額內引見改官并職

事官共陸拾伍員四川換給改官壹拾伍員 淳熙七年十二月十一日

勅吏部狀捕盜改官歲以捌員為額續承淳熙七年四月十一日 勅

通以捌拾員為額即不曾聲說捕盜改官人通在引見改官人數之內奉

聖旨每歲捕盜改官捌員如捕盜員數不足即以奏舉改官人補換

淳熙十三年三月十九日 勅今後職事官改官許在捌拾員歲額之外

淳熙十五年十二月九日 勅吏部狀在法進士及第壹任回第貳第

叁人與磨勘係不用舉主改官即不在每歲改官捌拾員之數止隨班引

見今來歸正補授節次循至承直即後歷伍考依條合改宣教郎亦不用

舉主磨勘係與進士及第第貳第叁人壹任回改官事體一同不在每歲

捌拾員之數放行隨班引見緣本部日前失於申明今申取朝廷指揮奉

聖旨依吏部所申 淳熙十五年八月十二日 勅吏部狀四川安撫

制置司中四川選人磨勘關陞依指揮合赴轉運司公參訖繳連一宗文

字申制置司本司見得考第舉主及格理到司先後月日資次磨勘放散

繳連申省部換給。近來有力之人更不經本司放散，妄以押綱虛立因事到闕，直赴吏部改官，撓占資次。又有雖從本司磨勘放散，而不問月日先後，內有力者或專人或附遞，僥薦到部，先理為數，無力人雖放散在先，所申文字到部稍緩，反使居後。有此不均，本部今後從本司所申事理。所有前兩府禮部園子監長貳奏舉四川選人，自合赴部投下放散，仍即行下制置司照會。所有合該換給之人，因押綱到行在，雖依得紹興二十六年指揮許令赴部陳乞，亦要經制置司給劄前來。本部以憑理在制置司查拾伍員換給改官之數。奉 聖旨依。 淳熙十六年二月十日 勅吏部狀指定內地選人，任四川差遣有該磨勘之人，欲令赴部投下磨勘，理為內地負數。奉 聖旨依。 嘉定八年四月二十五日 勅吏部措置下項一選人兩任陸考，舉主考第及格，任滿得贊參部，放行改官。如未差替人除沿邊州軍合候替人交割，其餘州郡照已得替或未有替人，保明申部候部符到日不候替人離任磨勘改官。一歷兩任陸考，至第叁任，如在半年內舉主及格，須再滿壹年，方許赴部磨勘改官。如在任壹年半或貳年舉主方足，照第叁任到官。舉主足日已足，過滿壹年以上。除沿邊州候替人交割離任，其餘州縣並許保明申部候部符到日批書離任赴部磨勘。

改官。一兩任止及伍考舉主未及格。至赴第叁任再成壹考。換成陸考。而舉主方及格之後。再須過壹年。一已歷兩任未及伍考。舉主及格止。欠壹考。至第叁任及壹考考第足之後。再須滿壹年。二項除沿邊州軍合候替人交割離任。其餘州縣許保明申部。候部符到日批書離任。赴部磨勘改官。今後如有避親。并考第舉主及格不候替人離任。須經本任州軍監司陳乞結罪保明申部候符下方許放行批書離任。若未得行下。州郡等處便與批書離任。申奏取旨。到部官照體離任條法施行。不許參選。奉聖旨依。嘉定十年十二月二日尚書省劄子。今後曾任架閣差遣見在外任考舉及格。許令就任改官。仍堂差知縣壹次。嘉定五年十月十三日都省劄子。大理卿李珣奏。照對司直與太社籍田令。均係朝廷擢用之人。況司直班序在太社籍田令之上。而改官格法如此異同。欲望特降指揮。今後大理司直照二令改官格法一體施行。奉聖旨依。嘉定十三年七月二十七日。勅臣僚奏。每歲班引酬賞掇員乞減貳員。以處極邊縣尉。任內曾獲兇惡強盜染人以上。許其陳乞本部具已斷獄案。仍述在任勞効。申聞帥憲覈實保奏。取旨注籍。此附酬賞班引西蜀保奏如之。歲放通不過兩員。或保奏未到許令次年補足。奉聖旨依。

侍郎左選尚書司勳通用申明。紹定六年十二月空日。都省批下吏部申選人捕盜賞。今後如遇司勳關到改官依式投狀隨班引。見畢證元獲當日資考依格循改。不許用獲盜後別賞循轉資序上陳乞改秩有壞成法外。有勦除叛逆收捕峒寇及諸州隨軍立到大功勞績顯著特與改官之人。似與常格捕盜人不同。却合從本部具申朝廷斟酌施行。後批送吏部從所申事理施行。

侍郎左選申明。嘉熙三年十月二十一日。都省劄子白劄子竊照改官人赴班引見銓曹不易之法。近年任于外者營求外改淹滯在部。赴班人乞自今後除四川及沿邊不可闕官處許具申外餘郡不許妄有陳乞。如或悖戾舉者受者並坐以違制之罪。又有壹項舉員已足考第尚欠先闕辟以選人為縣。至考第已及申乞外。改理為須入百里民命為重併合約。東十月十九日奉。聖旨令吏部通牒諸路監司州軍常切遵守施行。右劄付吏部。嘉熙三年十月空日。都省劄子應考舉及格人並須赴班改官。不許求辟就任理為班改員數。淳祐三年九月空日尚書省劄子吏部看詳考功郎官劉漢弼奏請。選人改官若陸考外舉主方是更須成考。至於柒考以上許離任。近日臣僚申請雖柒考以上亦須更滿壹考。選調

改官不勝其難宜遵舊制未考以上文字足者即許申部離任赴班吏部
竊詳未考人纔得文字圓備便可飄然所以再限以壹年固為大過若便許
離任恐於職業有曠欲限以文字雖足湏通任半年方許離任半年以後
足者即與放行右劄付吏部從所申事理施行 淳祐四年三月空日都
省劄子編修勅令所申竊詳選人舉主伍員用職司壹員而後改官若止
許受職司壹員則恐諸司幹官與京局差遣自本部本司之外不復可以
受舉亦為未便欲自淳祐四年為始應選人改官舉主伍員除合用職司
壹員外更許將職司壹員作常員收使如過兩紙不許投放二月十六日
奉 聖旨依

侍郎左選考功通用申明 淳祐四年三月空日都省劄子勘會選人外
改弊倖甚多有虛作減免舉員憑空伸縮考任丁憂匿服妄稱在任免引
者諸如此類不止一端合作關防奉 聖旨今後監司郡守陳乞部內外
既之人如係極邊緊切職任實不可闕官處每歲限在七月終以前申奏到
闕吏部取索出身以來一宗真本文字勘驗取會或所奏申官司縱申者
聽如無詐冒違礙本部即官當行人次第保明結朝典決配狀表貳審實
限壹月中尚書省具奏取 旨如有違礙及不圓備事件即開說因依申

省照會更不施行內詐冒人仍議降展不許自陳雖奉特旨許吏部執奏
侍郎左選申明 淳祐十年九月三日 初吏部侍郎兼中書門下省檢
正諸房公事提領豐儲倉所倪祖常狀竊謂今日欲革諸倉致弊之源各
倉設官曰監臨斛面機察監門隨所職掌干繫俱重繫欲人人而盡其責
當自久於其職蓋緣倉官指諸倉合為通籍借運一遇到任惟事營求惟
務鑽刺纔得舉員及格隨即巧為去計或圖改併靡待終更其視倉儲真
成傳舍欲將省倉中下界豐儲東西倉端平倉見任監官斛面機察監門
官不問考舉已未及格並候參年滿替內監官右選人照 御前軍器所
提轄官例亦以參年為任所有草料場官左右選人併令一體遵照永為
定制九月三日奉 聖旨依 寶祐四年正月空日都省劄子吏部申應
軍功補文資人須通歷改考有舉主陸員然後改官正月十六日奉
聖旨依

侍郎左選尚書考功通用申明 寶祐五年七月二十日奉 聖旨令吏
部自寶祐六年為始應四川制司申到換給赴部注籍班改人委是川貫
實今任四川差遣考舉及格方許理為川班換給名次雖係川貫曾授四
川舉員今流寓東南任內地差遣揆足舉員只令就東南班次不許僥占

川班員數

侍郎左選尚書司勳通用申明 寶祐六年正月九日都省劄于檢正左
右司狀勅會臺官奏請捨法徇例等事本司增修捨例守法條目立為定
式開具下項 一文臣除酬賞及捕盜令甲所載合減削外其餘非法推
賞只合循轉官資不許減員 一捕盜官或黃緣捏合換足人數或為首
人未獲憲司並當契勸的實方與保明申上推賞 一選人伍削方可改
秩不許虛指和糴妄稱版築希覲濫賞減免舉員 正月七日奉 聖旨
依已得指揮仰兩省諸房及密院部曹等處自寶祐六年正月為始各守
成法不許違戾正月八日三省同奉 聖旨令尚書省一併揭示都門曉
諭仍下六曹并諸宣制帥監司守臣遵照恪守成法毋得徇私捨法用例
常切遵守一體施行右劄付吏部

侍郎左選申明 景定元年五月七日都省批下吏部申準批下廣東經
略安撫司申從事郎鄭永乞用常員兩紙理作職司照得磨勘改官以職
司為重若以常員兩紙比折職司不特壞法自此有勢援之人多取常員
以為比折之地豈不重為孤寒者之困雖有已放行體例亦是弊例於法
決不可行承後批送吏部符下廣東經略司照應準此

陞改。

尚書考功令。諸合磨勘改官陞資。有公案在刑部大理寺。不該取旨。候約到刑名。若全入徒流已決已配者。檢法書斷。官雖該赦降去官原免。並候斷訖施行。由推勘失入者。勘官準此。餘申都省陞資係公罪杖以下。不中以上後有特旨。即從特旨改正。諸奏舉判司簿尉入職官及縣令。若未經陞改。而因恩賞循令錄知令錄。願改作奏舉者聽。諸歷任有罪犯者。應磨勘闕陞。並以見理遺闕依條陞改。諸睦宗院宗學教授。依諸州教授陞改。諸選人陞改。自身及舉主有過犯案狀未到者。下大理寺約法該與不該取旨。已勘到案狀有斷定刑名。已上刑部者。會問本部合與不合。取旨。各依本法。

侍郎左選尚書考功通用令。諸承直郎以下任樞密院編修官。勅令所刪定官。祕書省正字。或博士正錄。並到任實歷壹年。方許通理前任考第陞改。即未滿年就任改差壹等差遣。其歷過月日。揆及壹年者。亦許通理。諸承直郎以下。任館職樞密院編修官。大理司直評事學官。勅令所刪定官。應陞改官資者。聽就任陞改。前任考第舉主足。應改者準此。淳祐令。諸州學教授。因移授而補滿前任。應陞修職郎以上。或餘官應

關陞者申尚書吏部。諸州教授考任並通理應磨勘者候任滿赴部投
狀內廣南教授仍減舉主壹員

南書考功申明。紹興十年六月二十日。勅四川選人於宣司磨勘陞
改合到部陳乞人經本路轉運司公參理當到部宣撫司繳奏文字赴部
按法施行。本所看詳前項指揮宣撫司今係制置司合聲說照用

侍郎左選尚書考功通用申明。乾道六年七月二十五日。勅勘會選
人改官除犯私罪徒及曾犯姦贓不許投狀外其曾有公私過犯計其元
得笞杖徒流罪名各有展考添舉主條法及有奏裁或申都省之文及緣
在法有歷任罪犯應磨勘關陞外並以見理遺闕依條陞改本部自來只
以見理遺闕依條展考添舉主若已經赦及依無過人例者更不添展及
具申都省隆興二年後成例申省契勘選人銜差替既不理犯時壹考及
已經赦宥依無過人例若後來到部磨勘又與降等陞改即是赦恩遂成
虛文今欲除選人犯罪合加展考第舉主自合依本條以見理遺闕加展
陞改外內曾犯停替若已經赦依無過人例者即與依條放行陞改奉
聖旨依舊法施行又乾道七年六月二十三日尚書省劄子照得選人陞
改若有前項罪犯未經除落人見理遺闕自有立定舊法奏裁申都省取

旨。比年以來止是照例具申都省或與降次等陞改。若有似此之人逐旋申取朝廷指揮。委是紊煩。欲自今後將選人陞改。自合照應六年七月已降指揮。更不具申。右割付吏部依劄子內事理施行。乾道八年正月十四日。勅緣邊州軍選人關陞者。雖已移注。候交割始得離任。成資改秩者。錄白一宗文字。及舉主告示。真本繳連申部。如應格法。則先注籍。理為放散。催後官赴上候交割離任。赴部伺候引見授告。

循改

侍郎左選令。諸進士及第。第貳第叁人壹任回磨勘者。改次等合入官第肆第伍人。與大林郎。諸承直郎以下。因恩賞得旨轉壹官。稱依條施行者。與依條改官。或循資。回授轉官者。非稱比類者。比附比折。或依條比類。同與循兩資。即已至承直郎。候改官了日。收使。諸恩賞應循資改官者。以得旨日。若依法酬賞。以司勳審覆關到日。於合入資序考第上。循改。獲盜及私茶鹽賞。以獲賞月日前。歷過資考。循轉。諸流外進納人。獲盜。應循從事郎以上。奏聞降等與使臣。諸獻納補官人。因軍功捕盜。得改官酬獎。如不願換使臣。與比類。循至承直郎。尚書考功令。諸奏舉職官知縣縣令。得替無贓罪。及雖有公罪稍重。私

罪稍輕。任內有改官舉主貳負。已經改正者與循資。其不因體量過犯成資離任者準此。有上文罪犯。及尋醫侍養人。即更補資考。循止。次任如前任者與磨勘。雖不任知縣縣令。但於條差奏舉職官知縣縣令人及依格注教官者並準此。景定重定。

侍郎左選尚書司勳通用格。國子太學博士正錄。在職壹年以上。國子博士。京官任太學武學博士。國子太學正錄同。右減貳年磨勘。大

學博士。止錄就除準此。通歷任。滿叁考。右循壹資。滿肆考。右改合入官。國子太學正錄。通歷任。滿叁考。右循壹資。滿伍考。

右改合入官。武學博士在職壹年以上。通歷任。滿叁考。右循壹資。滿肆考。右改合入官。武學諭在職壹年以上。通歷任。滿叁考。

右循壹資。滿伍考。右改合入官。侍郎左選尚書司勳考功通用申明。嘉定十一年六月三日。勅宗學

申宗學博士。宗學諭。歷過太武學考校月日。將宗學考校月日。通理及壹年推賞。吏部勘當照得如係前任未滿。不因罪犯罷任。許於次年到任半

年限內陳乞通理。成考任。奉 聖旨依。嘉定十一年七月二十三日。勅吏部勘當。宗學博士。如係選人除到。依國子博士格法。在職壹年。通歷

任滿參考循壹資滿肆考改合入官宗學諭以選人除到依國子正錄體
例格法在職壹年通歷任滿參考循壹資滿伍考改合入官奉 聖旨依

永樂大典卷之一萬四千六百二十八

永樂大典卷之六十一

二十七

永樂大典卷之一萬四千六百二十九

六暮

部

吏部十六

吏部條法磨勘門

文武臣通用

大臣

武臣

大使臣

小使臣

磨勘撮要

文武臣通用 應命官陳乞磨勘年限內曾經編羈管除名勒停責授散官追官或居住後雖改正而無理元斷月日之文其以前被罪年月並不許收使若依赦除落過名理元斷月日者其隔過月日聽理磨勘 應文臣換授使臣許將文臣理過年月通理磨勘應有所得減年如大臣日曾經磨勘者與磨勘未經磨勘候再經磨勘方許收使若因戰鬪勞劾得減年許收使 應得父祖親屬恩例減年之臣不得揆理磨勘轉朝奉郎朝奉中散中奉大夫武臣不得揆理磨勘轉武翼郎武翼大夫 應宗室換授外官許將在官理過年月十日比折作四日磨勘 應因請假出落班簿年月並不理磨勘 應丁憂服闋及病假滿百日落籍未朝見而就差者自就差日起理磨勘 應起復月日並理磨勘 應文武官以疾陳乞

官觀獄廟者並自痊安日與磨勘。應押綱得減年賞。不許揆理磨勘轉。應蔭補官雖得轉官賞亦候轉過日收使。應文武官陳乞磨勘該滿日。年未七十而申發文字到部已七十者與磨勘。應文武官陳乞磨勘該滿日甫及七十者許磨勘。京官。應奏補承務郎以上。初該磨勘合理四年內要釐務二年有監司知州侍從舉主一員。方許磨勘無舉主展二年共理六年許對用減年。應再該磨勘並理四年不用舉主許對用減年。內承議郎轉朝奉郎朝請郎轉朝奉大夫除本任合得酬賞許對用外不許貼用非泛賞揆理磨勘。應朝請大夫以上磨勘並理柒年內除中奉轉中大夫非兩制不許貼用減年外餘許貼用減年揆理。應從官自待制權六曹侍郎以上自通直郎至太中大夫理三年。太中大夫以上進士八年餘十年並許貼用減年。應有出身人承務郎超轉承事郎承事郎超轉宣教郎宣教郎超轉奉議郎奉議郎並逐官轉至朝請大夫已轉至朝請大夫訖超轉朝議大夫已轉至朝議大夫訖超轉中奉大夫。應無出身人自承務郎逐官循轉至朝請大夫若帶閣職依有出身人超轉朝議及中奉大夫若無出身曾帶職人除在京職事官與理作寄職人超轉若在外任已落職後却登朝者即不合超轉朝議中奉大夫。應中奉轉

中大夫。非兩制不許貼用減年。中大夫。非兩制不許轉太中大夫。大使
臣。應修武郎以上至武德大夫。初該磨勘人。依條自參部後理五年內
住程二年。按察官舉主壹員。方許磨勘。如無舉主。添展二年。合候七年內
住程二年。與磨勘。若再該磨勘。自該滿日起。理合理五年。不用住程。亦許
磨勘。應南班宗室磨勘。除未換授之前。實歷依申明指揮。不與收使合
自南班供職之後。及十年。方許磨勘。應修武郎以上至武德大夫。及南
班宗室。再該磨勘。許對用減年。應從義郎以下。帶閣門舍人。閣門祇候
再該磨勘。合理四年。仍依大使。臣條。法關尚書右選。擬官具鈔。應從義
郎。帶閣門祇候。閣門舍人。磨勘轉至修武郎以上。共合理五年磨勘。應
從軍修武郎以上。丁憂者。給式假。候經尚右。陳乞起復。從條。與理磨勘。
應使。臣陳乞磨勘。如有應舉。或宗室。鎖應人。所用住程。合與住程。赴試月
日磨勘。如不出州界人。不在除豁之限。應使。臣尋醫侍養人。滿壹年。聽
朝。參赴選。與丁憂人。除豁。再自放見。或參部。及就差。日起理磨勘。應使
臣。係宰執臺諫子孫。女夫。因恩數得。旨差。嶽廟者。如係呈試中人。即合
與收使住程磨勘。若未經試中。止照已得恩數。將該差。劄子。就差理年。施
行。其住程。却合將試中。後考第。理作住程。施行。應奏。蔭致仕。軍功。武舉。

出身軍功歸朝歸正歸順歸明歸附親屬補官三省人換授并樞密院隨
龍人並轉至武功大夫止。應宗室并戚里添差歸順歸正歸附歸明歸
朝人許用不釐務理作任程內宗室許用獄廟理作任程。應吏職及給
使減年主管進奉藩邸捕授副尉並轉至訓武郎止。應修武郎該磨勘
功賞任賞雜賞等轉壹官轉訓武郎。應訓武郎如該磨勘任賞功賞特
旨轉官並轉武翼郎。應武德武功郎不許收使回授父祖恩例轉大夫
應武翼郎上該磨勘任賞功賞特旨轉官合以兩官作壹官超轉候至
武德郎依下法。應武德郎上該磨勘轉武翼大夫。應武德郎上該任
賞功賞特旨轉官止轉武功郎不得超轉武翼大夫。應武德郎轉武功
郎之人該磨勘超轉武義大夫若不係武德郎轉武功郎之人該磨勘止
轉武翼大夫。應已轉武翼大夫後來該磨勘任賞功賞雜賞等轉官並
以兩官作壹官轉至武功大夫止。應已轉武功大夫後來不理磨勘及
不收使雜賞等轉行止用武功大夫上所得戰功叁官轉橫行壹官伍官
轉遙郡壹官。應已轉橫行遙郡用橫行遙郡上所得戰功兩官轉橫行
壹官叁官轉遙郡壹官若橫行未至中亮大夫有官可轉自合於橫行上
轉行如落階官除正使並係特旨。小使臣。應進義校尉至從義郎起

理年月 奏補致仕恩澤武舉正奏名遺表恩澤親屬宗子取應
宗室宗女夫補官陣歿恩澤捕獲偽會吏職出身內侍官罷省恩澤三省
樞密院換授并隨龍人軍功離軍到部人進納及雜色補官人后妃親屬
已上並自參部日起理數內未曾參部有朝廷直差付身之人合作就奉
日起理軍功捕盜歸正歸朝歸明歸順歸附招軍及格已上如係不從軍
人到部合自參部日起理如係從軍人自給吏部理任差帖印紙或給到
朝廷付身理而就差日起理 軍功捕盜出身曾任副尉及下班祇應曾
經參部注授沿邊聽候使喚或見從軍人任准備將以上差遣在任因恩
賞改轉校尉者合自綾紙下日理作改轉日起理本部錄無正條係此附
使臣承信郎改轉條法 應進義校尉初該磨勘人合理年限任程 奏
補致仕恩澤武舉特奏名推恩人親屬宗女夫補官陣歿恩澤捕獲偽會
吏職出身三省樞密院換授并隨龍人軍功離軍到部人及雜色補官人
已上出身人初該磨勘依條合理五年任程到任貳年 軍功捕盜歸正
歸朝歸明歸順歸附招軍及格已上出身人初該磨勘依條合理五年任
程到任貳年 進納出身人初該磨勘合理陸年任程到任叁年舉主貳
員本部錄無正條例係此附使臣條法 應進武校尉初該磨勘人即與

開具前項進義校尉起理年限一同。元係進義校尉因該磨勘轉進武校尉係再該即自該滿日起理合理伍年不用住程如有減年許對用收使進納同。應承信郎合理年限住程。奏補致仕恩澤武舉正奏名遺表恩澤吏職出身宗女夫補官后妃親屬內侍官能省恩澤并雜色補官。三省樞密院換授并隨龍人軍功離軍到部人。已上出身初該磨勘合理叁年住程貳年以後並理伍年。軍功捕盜歸正歸朝歸順歸附招軍及格。已上出身人初該磨勘合理叁年住程貳年以後並理伍年。進納出身初該磨勘合理肆年住程叁年舉主貳員以後並理伍年。應干出身人係承信郎。元因進武校尉上磨勘改轉承信郎並合再依初補使臣法自承信郎告下日起理合理叁年仍用住程列任及貳年進納人合理肆年住程叁年舉主貳員。進義校尉上轉進武校尉後理再該磨勘係應干出身並理伍年不用住程謂校尉上實及伍年後因恩賞循轉承信郎以上從條非次轉官不隔磨勘如校尉不及伍年即自承信郎告下日起理依初補使臣法合理叁年住程貳年進納係理肆年住程叁年舉主貳員。進武校尉初該磨勘除進納出身人合理陸年住程叁年舉主貳員其餘人合理伍年住程貳年雖於校尉上理年已滿住程未及或住程

已及年限未滿。自不該磨勘。如因軍功捕盜。改轉承信郎。從條不隔校尉。以前年月許通理磨勘。應承郎郎至從義郎。初該磨勘。合理年限住程。內住程謂有差違。到任。至任滿日。成歲考。如前任不滿。許將次任到任後。月日通理。及貳年與磨勘。奏補致仕恩澤。武舉正奏名。親屬宗子。取應。宗女夫補官。及雜色補官。陣歿恩澤。吏職出身。三省樞密院換授。并隨龍人。軍功離任到部人。已上出身人。初該磨勘。依條合理肆年。住程貳年。以後並理伍年。軍功捕盜。歸正。歸明。歸順。歸附。招軍及格。已上出身人。初該磨勘。依條合理肆年。住程貳年。以後並理伍年。閭門舍人。閭門祇候。初該磨勘。合理肆年。住程貳年。以後並理肆年。進納出身人。初該磨勘。合理伍年。住程叁年。舉主。貳員。以後並理伍年。本部條無正條。例條比附。使臣條法。宗室。嶽廟。并添差不釐務差違。并戚里之家。添差不釐務差違。並理作住程。應承郎郎至從義郎。再該磨勘。但干出身。並理伍年。不用住程。或有減年。許行揆理。內有吏職補官。轉至訓武郎止。若係進納出身。轉至從義郎止。應以恩賞。若非次轉官者。不隔磨勘。小使臣。追官人。叙官。訖。陳乞磨勘者。依條展年外。其被罪以前年月日。並不許收使。止。理叙復元官日。起理磨勘。施行外。仍候住程到任壹年。若經改正。理還元斷。

月日。其隔過月日許理磨勘。雖已改正。而不曾理還元斷月日。亦不許收使以前被罪該過月日。小使臣曾降官叙復訖。陳乞磨勘。即與除豁降官之後。至未叙復元官之前。作罪籍年月。不與磨勘。若已改正理還月日。却與照條通理磨勘。小使臣之官遠限。并非時改移替罷人。依格添展兩季。如遇種赦。即與免展。小使臣係宰執臺諫子孫。夫。得旨差嶽廟者。如係呈試中人。即合與收使住程磨勘。若未經試中。不合理為住程。合將試中後考第理為住程。兵部八項十資格。內除守闕進勇副尉。攝進勇副尉。同進勇副尉。守闕進義副尉。上所得減年。不該比折收使外。止用進義副尉。上兵部磨勘。理伍年。轉下班。祇應。若將進義副尉。上所得減年。於使臣校尉。理伍年。磨勘。上收使。合壹日作壹日施行。兵部及都官四資格。內進義副尉。都官。史職。兵部。陣亡。恩澤。補充。進武副尉。都官。史職。兵部。陣亡。恩澤。補充。磨勘。兵部。及都官。並理拾年。今將上件資格。上所得減年。於校尉。使臣。理伍年。磨勘。上收使。合兩日作壹日。下班。祇應。係兵部。理拾年。磨勘。從指揮。有下班。祇應。上所得減年。若於使臣。校尉。上收使。合兩日作壹日。施行。史職。同。應文武臣磨勘。除前項聲說外。餘依本法。文武臣通用。

尚書考功勅。諸磨勘於令有違者。杖壹伯。未奏者減叁等。其較考不當者。杖捌拾。不以失減。諸州軍申發官員磨勘文字。不依條保明者。對讀官吏杖壹伯。分首從科罪。下本路轉運司勘斷。

尚書考功令。諸磨勘人。文書雖未足。及小節不圓。但有照驗者。聽磨勘。

諸應磨勘有所犯罪名。無情理輕重者。關刑部定奪。諸命官久不磨勘。承直即以下應磨勘改官。而不下大字同。有臣僚奏舉者。具事因取裁。

諸命官陳乞磨勘服色年限。內曾因罪編羈管勒停。責授散官追官。或居住。若除名。後雖已改正過名。而無理元斷月日之文。其以前被罪年月。

並不許收使。承直即以下勒停非追官者。自依本法。諸依赦除落過犯。理元斷月日者。其隔過月日。聽理磨勘。諸四川申發命官磨勘大字。入

遞計程外。在路有留滯月日者。給還。諸應磨勘而付身文字。內雖有去失。謂去大告却有初剗之類。或去失非應照用要切大字。若有初補及見

任官資付身可照驗無偽冒者。並放行。諸曾去失付身而乞磨勘。有未去失以前磨勘于照者。以于照內月日起理。無即以陳乞去失日起理。投

狀月日不明者。即以給去失于照日。諸承受磨勘文書。合會問者。限叁日。諸校定資任磨勘考課。並於吏部取家狀及公案。應合該陞改者。會

問擬定限次日關吏部。諸文臣換授使臣者許將文臣理過年月通理磨勘。諸文臣換授使臣應有所得減年。如文臣日曾經磨勘者與磨勘未經磨勘候再經磨勘方許收使。若因戰鬪勞効得減年者許收使。諸應檢舉磨勘者於合滿季限以前關吏部先取公案拖照無違礙方行檢舉。諸磨勘年限並理授告日為始。因入遞留滯者計程到日為始。若不供實日者理當月盡日。因月授告準此。諸承務郎以上若使臣在京監當雖不滿貳年應理為壹任者其磨勘許依到任貳年法。諸應得父祖及親屬恩例減年文臣不得捺理磨勘轉朝奉郎朝奉中散中奉大夫武臣不得捺理轉武翼郎武翼大夫。諸宗室換授外官者許將在官理過年月拾日與比折作肆日磨勘。諸磨勘在京者具家狀仍將未經磨勘所授告勅宣劄印紙等真本應用文書繳納考功。諸鎖應者隨侍侍養養醫持服自持服日至服闋朝見日。凶事未得與差遣者若理斷不係過犯者非不理磨勘。諸在京釐務官因請假出外除元得假限并除程及壹季外月日不理磨勘使臣替在壹月不到部者違滯月日準此。諸因請假出落班簿年月並不理磨勘。諸丁憂服闋及病假滿百日落籍不中舉落籍同未朝見而就差者自就差日起理磨勘。諸丁憂服闋在外

指射差遣者。侍養年滿。應在外指射同。狀到部日起理磨勘。就差者。以授
付身日。八路以赴轉運司公券及投狀日。諸磨勘。請在外以該日除程
預先保明者。已申發文字。而丁憂致已放行者。若年限內有用過丁憂月
日。許將服闋後合理月日補填訖。再行起理。諸起復月日。並理磨勘。
諸以疾陳乞官觀。嶽廟者。並自痊安日與理磨勘。諸陳乞致仕後。因臣
僚奏舉授官者。許通理致仕以前月日磨勘。諸命官妄冒奏授。謂奏孫
作男之類。已陳首改正者。雖已經陞改磨勘。其以前歷過年月。並不許收
使。仍依初補法。諸被隔展磨勘年月。應改正者。謂因官司誤斷。或特旨
斷遣。及雖元有公案在刑寺。若斷下不合書罪。或不係干連。并雖合坐罪。
而誤斷入重。謂如元展磨勘。卷年。因雪訴改正。止令展壹年。其餘貳年。給
運之類。以上並須理元斷月日者。或官司行遣。過枉。隔過年月。應改正。並
理為實歷。許通理磨勘。即通理有利及應減年磨勘。減季減月。同經使外。
並聽存留收使。諸犯罪經斷。會恩去官。自甘合原。應理遺闕者。非。即犯
正入已。賊。雖不經斷。從所理展。展磨勘。凡拾陸等。第壹等肆年。每降壹等。
遞減壹季。累犯者。並累展其貳罪以上。俱發。及合併計。若壹罪而累該展
者。各從壹重。貳罪。謂犯私罪。賊罪。皆。雖斷私罪。從賊罪。皆展年。壹罪。

謂本犯及追官降官各合展者止從重之類其衝替應降等而無等可降者並通展即失入死罪已決及未經任有犯正入已贓該磨勘者申取旨諸陳乞磨勘所屬保明該滿日年未柒拾而申發文字到部已及柒拾者與磨勘諸應該磨勘者會問刑部大理寺有無過犯係過滿者更不截日批會未該者於該滿日截會大理寺限當日回報如無公案及體量事狀即關本選擬鈔如有公案在寺候約法了日會到所犯不礙磨勘者準此若有見追究情弊過犯者仍候結斷

尚書侍郎左右選考功通用令諸在京職任并管押綱運官有本轄發遣公使或印紙聽照用差注磨勘事節不圓方許會問舊不用發遣者非尚書左右選司勲考功通用令諸押綱得減年賞者不許湊理磨勘轉應蔭補官雖得轉官賞亦候轉過日收使

尚書侍郎左右選通用令諸宗室祖免以上親磨勘轉官者並報大宗正司

尚書左右選通用令諸伍品以上應磨勘轉官者具狀擬奏

淳祐令諸以恩賞若非次轉官者不隔磨勘大臣因恩賞轉者至中奉大夫止若年柒拾以上或因老疾陳乞官觀獄廟留臺並不在磨勘之限

即太中大夫以上。不用此令。諸減年磨勘與文臣通用者。謂如有課額場務監官。及復盜之類。準肆年為法。謂如應減壹年。即伍年磨勘者。減壹年壹季之類。與使臣通用者。準伍年為法。謂如走馬承公事。應減叁年。而內侍官拾年磨勘。即減陸年之類。杖尉殿侍。若下班。祇應副尉與使臣通用者。準此。非通用者。各依本條。即朝請大夫以上。雖該通用之賞。不在準折之例。

尚書考功格。犯罪經斷等第。展年磨勘。賊罪徒稍輕及輕。稍重加第拾伍等。重加第拾叁等。第壹等。肆年。賊罪杖重。第貳等。叁年叁季。賊罪杖稍重。第叁等。叁年兩季。賊罪杖稍輕及輕。第肆等。叁年壹季。賊罪笞。第伍等。叁年。私罪流重。第陸等。貳年叁季。私罪流稍重。第柒等。貳年兩季。私罪流稍輕及輕。第捌等。貳年壹季。私罪徒重。私罪衝替應降等。而無等可降。少貳等。理監當人衝替。重準此。第玖等。貳年。私罪徒稍重。第拾等。壹年叁季。私罪徒稍輕及輕。追官免勒停。私罪衝替應降等。而無等可降。少壹等。公罪少貳等。理監當人衝替。私罪稍重。公罪重準此。第拾壹等。壹年兩季。私罪杖重。第拾貳等。壹年壹季。私罪杖稍重。

追官勒停。勒停。特勒停。責授散官。落職。降官。公罪銜替
應降等。而無等可降。少壹等。理監當人銜替稍重準此。第拾叁等。壹
年。私罪杖稍輕及輕。私罪笞。第拾肆等。叁季。公罪流重稍重。
待制以上但有責罰。非時改移替罷雖不經勘罰但有因依。使臣
特旨與小處遠小處僻遠處及未得與差遣并罰短使比較賊盜降監當。
第拾伍等。兩季。公罪流稍輕及輕。得旨上簿兩次。會恩免者兩
次當壹次。第拾陸等。壹季。

尚書侍郎左右選考功通用申明。紹興十八年九月九日。勅潼川府
路提刑司。募官押綱。拘留付身告勅文字。若赴行在整會差遣磨勘換給。
即從本司錄白出身告勅文字。點對保明。委是真命。別無偽冒。繳申吏部。
依條整會差遣磨勘換給施行。二十六年八月二十日。初成都潼川府夔
州利州廣東西路提刑司。今後募官押綱赴行在整會差遣磨勘等給之
人。依紹興十八年九月九日指揮施行。仍令本司出給保明公據。付押人
收執前來。候所押綱交納了足。給到朱鈔別無欠損。方聽吏部照會施行。
尚書考功申明。紹興五年四月二十三日。勅命官罷任。並權聽從便
赴闕。仍放行請給與理為磨勘。隆興二年三月二十三日。勅今後以

減年磨勘轉官者。須將實歷過年數對用。謂如壹年實歷用壹年減年。嘉泰元年五月二十八日。勅吏部狀照得京官大使臣陳乞闕陞磨勘。內有合用舉主。並須照截日終舉主無責降事故。方許收使。欲將京官大使臣所得舉狀。照選人已得指揮。據憑放散。收附告示。即與理作舉主。收使施行。奉 聖旨依。同日準都省批下吏部狀。小使臣校尉陳乞闕陞磨勘。內有合用舉主。亦合一體照三選已措置事理施行。後批從所申事理施行。本所看詳前項透件指揮。為京官大小使臣校尉收使舉主事。其選人指揮已修入侍郎左選考功申明。今聲說照用。嘉泰三年十二月十七日。勅考功郎官王闕禮劄子。竊見文武兩選以年勞磨勘。或叁年或肆年。或伍年。其法不一。且以肆年者論之。謂如慶元六年正月一日受告。合至嘉泰三年十二月三十日考已足。從條磨勘。今則不然。必欲至四年後正月一日放行。壹日固所不較。其間有年至十二月三十日為陸拾玖歲。明日則柒拾歲矣。文臣有合轉朝奉郎。武臣有合轉武翼郎。以壹夕之隔。遂不獲。與致仕恩澤利害非細。欲乞凡理磨勘者。以正月一日至歲終為全年。他日準此。奉 聖旨依。嘉泰四年八月二十三日。勅吏部尚書左右選侍郎右選通用申明。

尚書黃由等集議。應文武官除磨勘轉官外。應以恩賞轉官者。每年不許轉兩官。謂如今年八月二日已轉過兩官者。須候來年八月一日以後別遇恩賞。方許轉官。如更有合轉官恩賞。並作磨勘收使。謂如今年已轉兩官。不合更轉。却乃遷延日子。於次年陳乞。亦作磨勘收使。凡三省六部等處。遇有恩賞。止許正名係籍者推賞。其不係本職。兩處互差。兼權之人。並不在推賞之數。奉 聖旨依。

侍郎右選申明。嘉定五年八月二十一日。樞密院劄子。吏部措置小使。臣校尉有堂除辟差。元係初官。未曾經任諸州軍。不得放令交割。輒敢賣緣請托。脫漏放行。赴上。將來在任月日。並不理為任程考任。請過請給計。賊追納。坐以違制之罪。其有雖曾經任。元不曾呈試中選。及軍頭司御筆院。御尉。儀鸞司。修內司。翰林司。祇候庫。內軍器庫。御酒庫。萬壽觀等處。及諸司差遣。如係初出官。未曾經任。不曾呈試中人。一體施行。奉 聖旨依。

尚書左右選侍郎右選通用申明。嘉定六年八月三日。勅吏部狀白劄子。檢準嘉泰四年八月二十三日集議指揮。應文武官除磨勘轉官外。應以恩賞轉官者。每年不許轉兩官。注文委有未便。乞自正月一日至十二月終。除磨勘轉官外。許轉兩官。委是順便。勅令所照得嘉泰四年指揮。

係裁抑恩賞。委合人情。但當來不曾明言。自第壹官。或第貳官。理為壹年之限。獨以八月二日為始。至來年八月一日終。方許施行。即是凡遇轉官。必須逐年比算。緣無一定之論。今來白劄子所陳。委是事體歸一。亦不失當來裁損之意。所有元降指揮。內如更有合轉官恩賞。並合作磨勘收使之文。并注文。謂如今年已轉兩官。不合更轉。却乃遷延日子。於次年陳乞。亦作磨勘收使一節。合依舊遵守施行奉。聖旨依。

尚書侍郎左右選考功通用申明。嘉定八年五月二十三日。尚書省劄子。吏部申明到堂。參部繳連真本在部已審驗之人。不問已未。有新任差遣。並與放行磨勘。即無再令行下寄居待闕州軍重別保明。乞劄下部照應。右劄付吏部。從中事理施行。嘉定九年五月十九日。勅吏部勘當。

白劄子。申陳銓曹引例。破條之弊。乞下吏部四選遵守條法。不得循習再用前例。數內壹項。應被旨差奉使屬官。理為責任。此為已出官者。有未銓試人。經營差遣。後來銓中。却將未銓中以前月日。理作釐務考第。或揆理磨勘。或陳乞服色。委是冒濫。本部指定。只合將銓中已注差遣之後。被差月日照用。通理五月十九日奉。聖旨依。紹定二年七月七日。勅臣僚上言。自今起復士大夫。須出特旨。如係監司帥守申辟起復之人。服制。

內歷過月日並不許作實歷收使選人受過舉狀並不理為放散奉
聖旨依

尚書左右選侍郎右選考功通用申明。端平二年十二月十四日。都省
批下吏部申。檢會端平元年三月四日都省批下本部申。承紹定六年十
月十四日。勅。臣僚奏乞將文武官陳乞磨勘。更不以告下日為始。只以
日前實歷滿日為始。許接續日分理為日後再起磨勘。仍於告上分明批
注。謂如元官實歷至某月日滿。即於次日理作新轉官日分供寫告內。奉
聖旨依。仍令吏部看詳申尚書省。本部緣有因罪未結絕。及降官未叙
優。并所約刑名合候住程到任。及展季展年。并合要住程到任。及應用舉
主之人。又有拾年以上。自不到部陳乞磨勘者。亦有校尉理年已及。於使
臣理年又及。凡此之類。今檢其看詳下項。一嘉定十六年十月九日。都
省劄子。吏部尚左措置。今後應四川承議郎轉朝奉郎。并朝請郎轉朝奉
大夫。給告付運司契勘。本州結罪保明。委是正身無身亡事故。方與給付。
或已亡歿。繳申毀抹。嘉定十六年八月九日。都省劄子。成都運司申蜀中
命官身死。詐作存在。多是先乞獻廟遷延月日。暗行磨勘。直至負郎副使
告命已到。該身後奏薦方申致仕。乞今後四路文武官陳乞獻祠奉議。并

修武訓武郎。今本州結罪保明正身不是身後偽冒。運司勘當方與放行。吏部措置。今後定要本州取會勘驗。委保正身結罪保明。如從軍之人。委主帥勘驗保明。申總領所保明。委係正身。即非身亡事故之人。方與證應施行。看詳上件指揮。謂四川命官身亡。詐作存在。先乞獄祠。暗行磨勘。直至負郎副使。該身後致仕之恩。所以申乞關防。今合照指揮行下。須管要結罪保明。委係正身。即非身亡事故之人。方可施行。如從軍之人。即係見在軍中差遣。已經軍將次第主帥保明。亦與照應磨勘。其告命照已得指揮給付施行。所有無差遣不願存亡之人。州軍不曾結罪。是致符下。若據本處再行結罪保明。正身非身亡事故之人。到部見得別無違礙。即與照應磨勘。所有歷過該滿之後月日。欲從今降指揮。接續日分起理磨勘。

一諸應該磨勘者。會問刑部大理寺。有無過犯。係過滿者。更不截日批會。未該者。於該滿日。截會大理寺。限當日回報。如無公案及體量事狀。即關本選擬鈔。如有公案在寺。候約法了日。會到所犯。不做磨勘者。准此。若有見追究情弊。過犯者。仍候結斷看詳上條。謂如該磨勘者。會問刑部大理寺。有無過犯。注云。如有公案在寺。候結斷。照得未結斷以前月日。係因罪犯刑部結斷未了。其磨勘從條。候結斷。約定刑名。方許施行。所是未結斷以前

月日。却有在該滿之後者。緣今降指揮以滿日為始。其該滿之後。至未斷以前月日。結斷不該刑名。合與理還。其該刑名者。即難以理用。一犯罪輕斷等第。展年磨勘格。看詳上件條格。且以展兩季論之。遇赦得免。謂如理伍年磨勘。添展兩季。則合理伍年陸箇月。或有在赦前得伍年叁箇月者。不為陳乞。則遷延遇赦。即得赦免。却有在赦前得伍年陸箇月以上者。亦不陳乞。待於赦後。併得赦免。似此等展免不分。從今降指揮。以滿日為始。各與理至赦前為法。如得伍年叁箇月者。則與赦免。赦後叁箇月。係理伍年叁箇月。其在赦前如有伍年陸箇月以上者。雖遷延遇赦。則是展過月日。即與理伍年陸箇月。一諸命官久不磨勘。承直郎以下。應磨勘改官。而不下大字同。有臣僚奏舉者。其事因取裁。看詳上條。稱久不磨勘。元無立定年限。如後有許令磨勘之人。亦與照拾年以上磨勘條法。指揮一體施行。謂如文臣肆年。武臣伍年。計理磨勘壹官外。餘歷年月。如是無過犯人。候陳乞日。申取朝廷指揮。如歷拾伍年者。雖以累轉。更與理轉壹官止。如是因事得罪。不肯自陳磨勘者。又臨時斟酌。元犯取指揮施行。本部逐一。看詳乞批送。今狀下部。貴憑遵守。端平二年十二月十四日。送吏部。從看詳到事理施行。嘉熙三年九月空日。尚書省劄子。提督修纂條

例所申。據吏部申。本部照得官員壹年不許轉遇兩官。其間有因任和羅押綱等賞。已轉兩官。又有特旨與轉壹官。或以上及因邊頭調遣守城督戰之類。得旨轉叁官以上之人。本部例與申審。今措置欲自今後官員如委因守城督戰備禦抗虜有實跡邊功。承指揮特轉叁官以上者。係是朝廷旌賞。不必申審。許從本部徑與申省。命詞給告。若止係泛言邊功及經理殘破州軍。似此等類。所得叁官以上。並從本部照指揮將兩官轉行。除官比折減年磨勘。出給公據。更不申審。其他和羅押綱。博即浮費。應于非泛特旨酬賞。已轉兩官之人。餘官並照指揮一體出給公據。有詳特轉叁官以上。皆是優異旌賞。明言特轉叁官。則不當以壹年不得過兩官為限。若是磨勘。及和羅押綱。應于非泛特旨酬賞。元非壹項特旨轉叁官者。壹年內如已轉及兩官。餘官並照指揮一體比換磨勘。收使更不須申審。奉聖旨依。淳祐三年二月空日。尚書省劄子。吏部申在法押綱得減年賞。不許捺理磨勘。轉應蔭補官。雖得轉官賞。候轉遇日收使。其勸諭糴米。提督賑濟。興修水利。趁辦楮皮等。皆是近來新創。申取指揮。右劄付吏部考功。將應係近來新創。舊法所不該載酬賞。並照押綱賞條法。不得收使。轉應蔭補。淳祐三年九月空日。尚書省劄子。編修勅令所申。吏部看詳。

考功郎官劉漢弼奏請。命官隨侍侍養。因事未得差遣者。不理磨勘。今後在任陳乞隨侍侍養之人。須令本州知通。從實契勘。在任不因規避。果是奉親。結罪保明。申部。方免除路。止是賞緣離任之人。自合照應條令施行。本所照得。逐部審定。已得允當。右劄付吏部。照見行條法施行。淳祐三年九月空日。尚書省劄子。編修勅令所申。吏部看詳考功郎官劉漢弼奏請。諸年柒拾以上。不在磨勘之限。古者柒拾致仕。未聞以陸拾玖宜從本條。年甫及柒拾者。許其磨勘。本部看詳本官所請。分別柒拾以上不許磨勘。年及柒拾者。仍與放行。考之柒拾而致仕。恐謝事之年。難以又令磨勘。本所竊詳在法起理磨勘。該滿日。年未及柒拾。申發文字到部。日年及柒拾。尚與磨勘。則是理算年月至該滿日。已及柒拾歲。則不許磨勘。分明今奏請年甫及柒拾者。許其磨勘。尤見優老從厚之意。右劄付吏部。從所申事理施行。寶祐元年九月三日。都省批下吏部申。舊法父祖回授所得減年。及押綱賞。又指揮勸糶賑濟。興修水利。趁辦楮皮。及應係近來新創法所不載者。並不得轉應蔭補官。今與斟酌。將防托江面賞勳。遺虜哨收捕峒賞。理作正賞。後批送吏部。從所申事理施行。

大臣。

尚書考功令。諸前執政官該磨勘者。依待制以上法磨勘。諸應磨勘轉官者。待制權六曹侍郎以上。自通直郎至太中大夫。參年。太中大夫以上進士。捌年。餘拾年。諸應磨勘轉官者。承務郎以上肆年。即轉奉直朝議中散中奉。中大夫者柒年。中奉轉中大夫。非兩制不許貼用。貳年。中大夫非兩制不許轉太中大夫。諸朝議奉直大夫。并特恩人。共以捌拾員為額內撥伍員專充堂後官。依次序撥轉。及留伍員以待未報州軍。諸御史臺。牒到奉直大夫朝議大夫闕。以見任朝請大夫授告先後。待制權六曹侍郎以上非。先取年勞該滿應磨勘遞補人。無即以乞用減年貼理年勞該滿人。皆係用減年人。亦以年勞深者為上。以上逐色同。先以有出身。次無出身人。理為資次。仍以名次合轉人。取索磨勘。諸應該磨勘者。監司并在京職事官。謂太中大夫以上。及待制以上任知州。官觀同。依限檢舉取索。若不願磨勘。候再該日準此。諸磨勘應理年者。有出身人自出身日。陰備人。曾歷務者。許通理以前月日。陰補初出官人。自到任日。幕職州縣官奏改。若使臣換授者。自改換日。即未經磨勘無出身者。仍須釐務及貳年。未改換前。曾經任通理年數。有安撫監司知州侍御史。或待制以上舉主壹人。方得磨勘無舉主者。展貳年。諸奏補承務郎以上。初磨

勘不許用曾任獄廟當釐務年月。諸凡任宰相執政官臺諫子孫並差
宮觀獄廟。或在任或未赴上。及於試中年及人皆先仍與為考任。諸蔭補
進納。因鎖試并賜出身者。並同有出身。理為磨勘。自蔭補已曾幹辦職任
即許通理以前年月。諸曾降官候復舊官許通理磨勘其追官若勒停
及責授散官者止理復舊官後年月。諸承直郎以下不因磨勘改官及
使臣換授京朝官應磨勘者如有過犯并衝替之類於改授日展年未足
或考第舉主未應格及雖應格而係取旨之人並依本選條展。諸大理
寺左斷刑官任內因出入刑名書罰參次以上者至磨勘日取旨通慈連
累者非。諸承務郎以上應磨勘而曾經臣僚論列贓污公私不法事法
寺約罪不定者依所得特旨格法添展。謂停替放罷降官之類見取勘體
並體究者仍候結絕。諸合磨勘人若已待次而丁憂者到部限參日關
會所屬。諸太史局直長自轉補後來及拾年無過犯於本部投下合要
文字磨勘局丞自冬官正以後理捌年壹轉至春官大夫止。每壹犯公罪
展壹年。壹犯私罪展貳年。情理稍重加半年。重又加半年。壹犯贓罪展伍
年。情理稍重加壹年。重者又加壹年。再犯各累展。若未入仕經真決者不
得轉入朝官。入仕後曾經真決者不在轉補之限。其降官因責罰替罷之

類。並依京朝官條施行。諸太史局直長以上。合該磨勘者。關尚書左選具鈔上都省。諸進士及第。壹任回第貳第叁人與磨勘。第肆第伍人與文林郎。諸派外人叁任柒考。有縣令舉主陸員。與就移縣令。就移後通有使臣舉主叁員。與磨勘換本等使臣。三省祇應人。出職叁任柒考。有縣令舉主陸員。與占射迪功郎壹次。經占射後通有使臣舉主肆員。并從政郎叁任柒考。常調迪功郎肆任拾考。有使臣舉主陸員。有私罪者。添職司壹員。或餘官貳員。受供饋。并和市有利利。本計職不滿匹者。添職司貳員。或餘官肆員。並與磨勘。奏舉移注依流內法。進納攝官準此。諸朝請大夫以上。因恩賞轉官者。以肆年為法。各計所磨勘收使。侍郎左選令。諸派外人應磨勘者。比從政郎降壹等換授使臣。舉令人不降。諸吏職日所得減年磨勘。出官後乞於選人上收使者。並比折兩日作壹日收使。

尚書左選令。諸承直郎以下。應循資轉官而已改官者。循兩資減叁年磨勘。壹資減貳年磨勘。任承直郎得循資。及減貳年磨勘。如不願比類占射者。與換次等減壹年磨勘。若元得旨轉壹官。稱依條施行者。作轉官收使。稱比類者。比折。比附。或依條比類。回減叁年磨勘。若得減壹年磨勘。

換。作占射同。與陞壹年名次家便差違。作武臣日所得轉官減年占射。若
換校又資後收使者依承直郎法。

尚書左選考功通用令。諸三省有正官。都錄事用磨勘。并收使副獎轉
官。每年通共不得轉過兩官。

淳祐令。諸見任朝請大夫。特制權六曹侍郎以上非。有減年公據願收
使磨勘轉官者。並預申尚書吏部注籍。

尚書左選考功通用申明。紹興二十六年十一月二十三日。勅吏部
看詳員外郎續感所請。今後應奉直朝議大夫。遷轉事故。並限壹日注籍
批鑿。委本部尚書郎官通簽書押。欲令尚左置籍批鑿簽押。所有朝請大
夫。依條合轉行人。欲令考功聲說實歷。酬賞先後因依。每季首限叁日勝
示。仍下逐路轉運司照會。關所屬取索保明申部外。有見注籍朝請大夫
員數。合候御史臺牒到有朝議奉直大夫員闕名次合轉行人。開具員闕
因依。申取朝廷指揮。下部日方許依條取索磨勘。今考功於每季首限叁
日勝示。并下逐路轉運司照會。奉 聖旨依。

尚書考功申明。紹興十年八月六日。勅吏部申照得有朝請大夫員
數乞行注籍。據陳乞日年未柒拾。其見籍定名次。該取索磨勘人。內有已

年未拾以上負數竊慮合以當時注籍滿年年限名次作年未未拾人許依條磨勘內有文字未到未圓之人行下取索除程限五日申發赴部施行奉 聖旨令吏部將注籍滿年未未拾人許依條磨勘取會官司如限內無故不報令本部行下所屬將當行人吏從杖捌拾科斷餘依所申 淳熙四年十二月十八日 勅吏部勅令所狀勘會依條朝議奉直大夫共以捌拾負為額內撥伍員專充堂後官撥轉三省人依法轉至朝請大夫止若已出官不得轉至中大夫今欲將三省人已注籍朝請大夫遇有御史臺牒到負闕其名次合磨勘人而本離省日年限該滿并得闕次雖並在年未未拾之前至出職離省日年已及未拾者不許磨勘奉 聖旨依 淳熙六年五月十六日 勅吏部狀朝散郎充集英殿修撰知太平州李椿乞將歷過權吏部侍郎日以叁日比折肆日磨勘本部照得本官見依條合理肆年磨勘先權吏部侍郎玖箇月貳拾貳日當來合理叁年磨勘今指定欲依本官所乞以權侍郎上叁日於見今官上比折作肆日與本官依條磨勘仍乞今後依此施行奉 聖旨依吏部指定到事理施行 嘉泰二年九月二十九日都省批下吏部申中奉大夫知泉州倪思申作任吏部侍郎日於慶元元年十二月二十一日準告磨勘

轉中奉大夫至慶元二年三月十三日承指揮與郎歷過兩箇月貳拾貳日從條六曹侍郎係叁年磨勘合將吏部侍郎實歷過月日每叁日理柒日計比折得陸箇月零拾日又起理庶官月日實歷陸年伍箇月貳拾日兩項通計實歷柒年從條合該磨勘轉中大夫施行本部勘會本官今乞將昨任吏部侍郎理叁年上歷過月日於見今理柒年上叁日比折作柒日收使合取自朝廷指揮後批送吏部從所申事理施行本所看詳前項逐件指揮係是年限不同比折磨勘今編部存留申明照用

尚書侍郎左右選考功通用申明 開禧二年七月十四日 勅監察御

史毛憲奏乞將極邊州縣官到任與減貳年磨勘任滿更轉壹官次邊州縣並權與推極邊之半例減叁年磨勘內選人任滿願先備壹資即將到

任所得壹年磨勘留改官後收使者聽未願備資亦許留改官後收使作實歷月日磨勘奉 聖旨依 嘉定五年十二月十五日 勅見任宰執

臺諫女壻已經銓試中選未經注授差遣人已有的差遣或見在任或未赴上願就宮觀嶽廟者聽仍理為考任合用舉狀並照子孫例一體施行

嘉定九年五月十九日 勅吏部勘當白劄子申陳銓曾引例破條之弊乞下吏部四選遵守條法不得循習再用前例今具下項 一選人用恩

澤改補京官既依無官人陰補即係白身凡向來歷過選人考第不合收使本部照得若通理考第用以注授或用以磨勘委是有礙成法應被旨差奉使屬官理為資任此為已出官者有未銓試人經營差遣後來銓中却將未銓中以前月日理作釐務考第或揆理磨勘或陳乞服色委是冒濫本部指定只合將銓中已注差遣之後被差月日照用通理五月十九日奉 聖旨依

尚書左右選侍郎右選考功通用申明 端平二年十二月十四日都省批下吏部申檢會端平元年三月四日都省批下本部申承紹定六年十月十四日 勅臣僚奏乞將文武官陳乞磨勘更不以告下日為始只以前實歷滿日為始許接續日分理為日後再起磨勘仍於告上分明批注謂如元官實歷至某月日滿即於次日理作新轉官日分供寫告內奉 聖旨依仍令吏部有詳申尚書省本部緣有因罪未結絕及降官未叙復并所約刑名合候住程到任及展季展年并分要住程到任及應用舉主之人又有拾年以上自不到部陳乞磨勘者亦有校尉理年已及於使臣理年又及凡此之類今檢具看詳下項 一諸磨勘應理年者有出身人自出身日陰補人曾差務者許通理以前月日陰補初出官人自到任

日。幕職官。縣官。奏改若使臣。換授者。改換日。即未經磨勘。無出身者。仍須釐務及貳年。未改換前。曾歷任。通理年數。有安撫。監司。知州。侍御史。或待制。以上。舉主。宜。人。方。得。磨勘。無。舉主者。展。貳年。看。詳。上。條。謂。奏。補。京。官。承。務。郎。以。上。初。該。磨勘。從。條。合。理。肆。年。內。要。釐。務。貳。考。陞。陟。舉。主。宜。員。方。許。磨勘。合。自。初。任。釐。務。到。任。日。起。理。年。限。其。間。却。有。初。任。釐。務。到。任。未。成。考。間。承。指。揮。改。差。別。路。待。闕。差。遣。直。候。次。任。到。任。通。滿。貳。考。釐。務。及。日。合。該。磨勘。其。或。已。自。過。滿。肆。年。之。後。若。徑。於。該。滿。在。肆。年。上。起。理。以。後。年。月。即。是。當。來。釐。務。未。及。未。該。磨勘。分。明。欲。乞。自。釐。務。足。日。理。為。該。滿。起。理。以。後。年。月。施。行。實。歷。雖。滿。釐。務。貳。考。未。足。合。候。考。足。本。部。又。照。得。上。件。條。法。謂。奏。補。京。官。承。務。郎。以。上。初。經。磨勘。從。條。合。理。肆。年。內。要。釐。務。貳。考。陞。陟。舉。主。宜。員。方。許。磨勘。其。間。或。有。年。限。釐。務。並。已。及。格。已。該。滿。肆。年。却。緣。少。陞。陟。舉。主。宜。員。未。該。磨勘。須。候。有。舉。主。真。本。告。示。到。部。日。合。該。磨勘。其。舉。主。告。示。却。在。該。滿。肆。年。之。後。方。始。出。給。繳。連。到。部。亦。有。舉。主。告。示。雖。在。該。滿。肆。年。之。內。本。官。自。不。繳。連。到。部。是。致。未。該。放。行。磨勘。其。上。件。該。滿。肆。年。之。後。舉。主。告。示。不。圓。隔。過。月。日。實。歷。釐。務。雖。足。而。舉。主。宜。員。未。足。合。候。舉。主。告。示。足。日。理。轉。其。無。舉。主。者。依。條。展。貳。年。通。為。陸。年。方。得。磨勘。本。部。

看詳乞批送。今狀下部貴憲遵守。端平二年十二月十四日送吏部。從看詳到事理施行。嘉熙三年八月十四日。勅吏部尚書左選條具內宣項。在法承議郎轉朝奉郎。朝請郎轉朝奉大夫。朝議大夫轉中散中奉大夫。依條不許貼用父祖親屬減年恩例。近有承議郎陳乞磨勘。收使父祖恩例減年。換轉朝奉郎。考功放行具鈔。出給告命。委是有礙條法。修纂條例所看詳諸得親屬減年恩例。不許換轉蔭補官。自有成法。今後不得冒有陳乞。所有考功已行體例。合刪去奉 聖旨依看詳到事理施行。本所看詳上件指揮。雖是尚左條具。所有武臣。亦合一體。今聲說照用。

尚書左選考功通用申明。嘉熙三年八月十四日。勅修纂條例所看詳尚左具到宣項。朝請大夫恩賞轉官以肆年為法。正以朝請大夫以下肆年轉壹官。以上則柒年轉壹官。故立此條。就其本色官。因恩賞轉官。如有特旨轉行者。不當限以肆年之法。如特旨內無轉行之文。即合照條比折減肆年磨勘。如係奉直大夫以上。所得恩賞特旨。雖無轉行之文。亦合轉行。奉 聖旨依。

尚書左右選考功通用申明。淳祐叁年六月空日。都省劄子。吏部四選官公共聚議條具。關防四蜀華獎事。畫一數內文武官陳乞磨勘文字文

臣承議郎轉朝奉郎。朝請郎轉朝奉大夫。武臣訓武轉武翼郎。武德郎。武功郎。轉武翼大夫。並係轉應蔭補官事體至重。今欲除本州保明。並合再經四川運司重行覈實。結罪保明。仍各召知識四川本等保官壹員。委保批書。以憑照見行條法指揮施行。四川文武官流寓內地州軍寄居。陳乞磨勘文字。及轉應蔭補官之人。既在內地。難以再令歸川。陳乞欲將似此之人。並令召蜀士知識本等保官壹員。委保批書印紙。以憑照見行條法指揮施行。右劄付吏部。從所申事理施行。

尚書左選考功通用申明。淳祐三年十一月空日。都省劄于吏部。勅令所申。吏部郎中周文虎劄于謂。紹定四年。慶寺敕文內壹項。選人循兩資。已係承直郎。改官日。理作貳年磨勘。因趁班人。用敕恩循兩資。換減肆年磨勘。給據振援增多。看詳自後。合照趙都承詳議申明。換減叁年磨勘。右劄付吏部。從所申事理施行。景定四年七月空日。尚書省劄于編修。勅令所照得。選人得實於改官後。收使換減磨勘。嘉定貳年拾年。嘉熙肆年。淳祐陸年。指揮節次申明不一。竊恐吏部互相引用。今參照指揮修類歸一。庶幾不致抵牾。開具下項。一承直郎以下。所得有格法。及不係特旨。酬實得轉壹官。於京官後收使。並與換減貳年磨勘。兩官以上。依此比

類如係特旨酬賞。照修纂條例所嘉熙四年正月看詳指揮轉壹官換減肆年磨勘。比折施行。一儒林郎以下所得有格法酬賞。減叁年磨勘。內將貳年收使。循壹資外。餘壹年磨勘。於京官後換陞名次。如係特旨賞與換減壹年磨勘。一承直郎以下所得轉壹官賞。因與改官相會。於內已將壹資。循至承直郎。餘壹資依磨勘。令條注文換減壹年磨勘。若是得賞未收使間。因用別賞。循承直郎改官。照條比類。減叁年磨勘。如已係儒林郎。除用章恩慶典特旨賞。循至承直郎。合照令條正文。每壹資換減貳年磨勘。餘依本條注文換減壹年磨勘。一選人所得特旨。循兩資賞。照嘉熙四年指揮與換減叁年磨勘。止循壹資。與換減貳年磨勘。叁資換減肆年磨勘。肆資換減陸年磨勘。如已收使。循資外有餘賞。照嘉熙四年指揮兩資換減叁年磨勘。壹資換減壹年半磨勘。若係有格法。及不係特旨酬賞。循兩資。照條換減貳年磨勘。壹資換減壹年磨勘。一選人任淮襄四川湖北差遣。所得極邊次邊酬賞。並照開禧二年七月十四日指揮。許於次官後作實。歷月日收使。一選人任學官大理寺官。所得職任賞。嘉定十年二月詳議指揮。以其職事官。即與外官不同。不合比折。並與照元降指揮。貳年得貳年。肆年得肆年。其兩任學官。兩任寺官。該兩次以上。許將

宜等零賞。照條併賞倒換。若不及貳年。不許收使。所有任京局庫務諸司。監當所得任滿。或計日酬賞。雖有元降指揮。即是立定賞法。却非一時特旨。自合照有格法賞。一體減半比折。貳年得壹年。如止得壹年。合照條換陞名次。不及全年。不許收使。一選人所得綱賞轉壹官。與換減貳年磨勘施行。一選人所得軍恩慶典。並合照元降指揮。許於改官後換減磨勘收使施行。一選人所得奉使回程轉官。照嘉定十年詳議指揮。檢照元指揮。白身人尚許候有名目日。作壹官壹資收使。其有官人。難以此折。與照元指揮放行轉官收使。已上取到吏部尚左供。並係見行遵守。今編節照用。七月十日三省同奉。聖旨依。淳祐十年七月空日。都省劄子。諫院條具百司庶府破法用例。竊國害民等事。畫一于後。一選人得賞。循轉之弊。近來選人得賞多。不肯循轉。且給據存留為改官陳乞之地。循兩資者。則必乞轉壹官。少亦乞作肆年實磨勘。循壹資者。則亦乞作貳年。並無一毫折閱。委是破法。所以申明。從政從事。文林郎為一色官。改官並得宣教郎。如不肯循轉。並照承直郎改官後減半收使。零月不許作減年。改使。今後有叁資一色得循轉。不願令。徑與比折。貳年作壹年給據。一選人改官存留磨勘之弊。得賞有轉壹官。莫不陳乞改官後循轉。

或有減磨勘叁年改官。後乞作不減年磨勘收使。凡此之類。委是破法。况
選人上有資可備。所得磨勘合於本資。上指轉官。資有資可備。更存留磨
勘。為改官後不折閱。委是獎例。合行釐革。都司擬令吏部遵守施行。七
月九日奉 聖旨依 寶祐二年二月八日尚書省劄子。勘會浙東西提
舉司。浙西安撫司。兩淮制置司。天賜場。今後鹽場官幹官。催赴登額。大發
及數。方許保明推賞。歲終。夫發不及叁分。展半年磨勘。伍分。展壹年磨勘。
柒分。以上降壹官。每歲舉員不許舉他司屬官。下吏部照應。照得浙東西
提舉司。浙西安撫司。鹽場。今改隸提領兩浙鹽事司。今聲說照用。

武臣

尚書考功令 諸使臣合入仕程差遺。願出外待闕者。給假限內實有病
患。申所屬看驗。訖申吏部。仍給公據。與除豁月日。違者所違月日。並不理
磨勘。諸乞假出外待闕。未參選應磨勘者。依外任申奏。若改轉後有出
假限月日。於後次磨勘內除豁。諸初補使臣。因戰鬪勞効。得減年者。與
磨勘若別。因恩賞得者。並候再經磨勘。許行收使。諸使臣該賞。應減年
磨勘。雖與文臣同得推賞。若所降指揮內無比折者。止依元得所減年月
收使。課額場務鹽官。及獲盜之類。應賞者。非 諸內侍所得。殿閣泛賞。轉

官如委係勤勞與不隔磨勘壹次若再遇泛賞雖降到特旨不隔磨勘許
執奏不行 諸使臣展磨勘年限並以本條所指定之官為例如指定肆
年磨勘之官該展年即伍年磨勘人展拾伍月拾年磨勘人展叁拾月餘
依此計之 諸使臣勒停或追降官資叙理已復舊官合磨勘者初補并
已經磨勘人各依元條年限 諸使臣公罪徒公罪衝替因事替移或因
老疾謬儒差替或私罪非衝替臨時特旨與小處遠小處差遣或私罪林
斷放合該磨勘依條展年外不候位程到任並與磨勘以上各條降等差
遣者仍候位程到任罰俸使係降等差遣準此其私罪徒私罪衝替降等
差遣并公私罪追停叙用並依條展年外仍候位程到任壹年 諸使臣
曾降官候叙復舊官許通理磨勘其追官若勒停特勒停止理叙復舊官
後年月以上仍依條展年如別因酬獎或恩澤特轉至舊官及轉過舊官
者叙復未盡不在磨勘之限 諸使臣杖耐同拾年以上不到部陳乞磨
勘許經所在州投狀召陞朝官貳員委保正身無承代詐冒違礙知通追
請同保官審實批書印紙從本州結罪保明連保狀申部 諸使臣杖耐
同初補未參選在外就差者以授差遣降付身日理為參部應呈試人非
諸使臣杖耐同應呈試而未經試中一時特差內外差遣雖降到特旨

理為資任。許執奏不行。諸使臣校尉同初磨勘不許用曾任嶽廟當位
程月日。宗室非 諸內外諸軍歲終比較所養戰馬倒斃該展磨勘人雖
遇大禮赦不在免展之限。取押綱馬使臣幹辦綱馬驛程官倒斃該展磨
勘人準此 諸兇惡徒黨因招降補授使臣校尉初補下班祇應副尉改
轉同內不許磨勘者如經拾年別無贓罪及私罪情重所屬保明取旨特
與磨勘即顯著勞劾合該轉官者依常法 諸翰林醫候至醫劾並理茶
年磨勘

尚書侍郎右選考功通用令 諸吏職日所得減年磨勘於使臣校尉上
收使者並比折兩日作壹日收使

尚書侍郎右選通用令 諸使臣不許用減監當任數比換減年 諸漢
弓箭手所得轉資若於使臣上收使每壹資比折減歲年磨勘

尚書考功申明 淳熙元年四月十五日 勅吏部狀勘會內外諸軍大

小使臣乞貼用冒名承代後來親身立功所得減年收使磨勘竊詳冒名
承代後來親身立功所得轉官資公據已承指揮許於已錮減名目上並
行收使今來既親身所得功賞減年與所得轉官資事體一同本部欲將
親身所得減年依轉官資已得指揮依元給減年理年收使磨勘奉 聖

旨依 淳熙元年六月二十四日樞密院劄子勘會內外諸軍冒名承代官兵已降指揮並行錮減改正了當奉 聖旨令所屬並特與通理未改正以前歷過在職年月放行磨勘 淳熙三年二月二十五日 初考功郎官王信劄子編類大小使臣年甲條目奉聖旨依令考功常切遵守今具合遵守事件如後一乞差校定案書令史壹名專一掌管行移回報仍差頭名主事專一書勘遇遷補及出職日交割以次人以次人保明委無措改遺失情弊方許遷補解發如言情弊斷勒一乞遇朝廷取索照使郎令掌管人吏齋簿呈郎官封押訖親齋赴房候照應畢從朝廷用屬司印封押責還掌管人吏回部呈郎官拆封收管其餘取索照使仰掌管人吏齋呈郎官當面抄寫名姓年甲全文用印回報不得齋簿出外庶免散失一姓名未用考功印為止印後即無姓名每卷末空處書云印後並無姓名主令某人姓名其卷末無空紙即於夾界行上書寫其間有年適滿拾數者並於拾字下書歲字以防日後添填奉 聖旨並依 淳熙三年四月十二日 初考功郎官王信狀契勘近承指揮編類隆興二年二月以前大小使臣年甲除已編類成冊申尚書省用印外所有隆興二年二月以後初補并未經磨勘者依此置簿籍定緣大小使臣磨勘係隨官品各

案分行欲就令大小使臣素遇有役下磨勘先次照應如係隆興二年二月以後初補并未經磨勘之人逐時籍定官位姓名鄉貫年甲三代補授年月出身每名勘同當行主令押官用印編類候至每歲終分類置簿籍定仍具已置簿籍定姓名申朝廷照會奉 聖旨依 淳熙四年六月二十日 勅邕州溪洞招馬官恐妨馬政特與免參部放行磨勘 淳熙十三年八月二十二日 樞密院奏吏部申欲將使臣校尉所得 慶典理當叁年磨勘除任程應格外並與對半收使其他恩賞不得援例奉 聖旨依 淳熙十六年八月十四日 勅吏部申乞將校尉使臣拾年以上不到部陳乞磨勘許召陞朝官貳員委保存亡及無承代詐冒不實違礙如臨安府申發許本部追請陳乞磨勘人同保官赴部審實施行奉 聖旨依本所看詳上件指揮係為於臨安府陳乞許本部追請乞磨勘人同保官赴部審實今聲說照用 嘉泰元年十月二十九日 勅南班宗室不許將外官月日換合換官之後南班月日通理磨勘今後在南班及拾年方與轉官本所看詳上件指揮係是申明法意難以修為成法今編節存

留申明照用

尚書侍郎右選考功通用申明 嘉定元年二月二十三日樞密院劄子

殿司申內外諸軍兵將官因斃馬該展磨勘乃是公罪降罰遇非次赦恩
並乞免展奉 聖旨依如遇非次赦許行引用 瑞平二年十二月十四
日都省批下吏部申檢會瑞平元年三月四日都省批下本部申承紹定
六年十月十四日勅臣僚奏乞將文武官陳乞磨勘者更不以告下日為
始只以日前實歷滿日為始許接續日分理為日後再起磨勘仍於告上
分明批注謂如元官實歷至某月日滿即於次日理作新轉官日分供寫
告內奉聖旨依仍令吏部看詳申尚書省本部緣有因罪未結絕及降官
未叙復并所約刑名合候位程到任及展季展年并合要位程到任及應
用舉主之人又有拾年以上自不到部陳乞磨勘者亦有校尉理年已及
於使臣理年又及凡此之類今檢具看詳下項 一諸使臣曾降官候叙
復舊官許通理磨勘其追官若勒停特勒停止理叙復舊官後年月以上
仍依條展年如別因酬獎或恩賞特轉至舊官及轉過舊官者叙復未盡
不在磨勘之限看詳上條稱使臣曾降官候叙復舊官許通理磨勘叙復
未盡不在磨勘之限其餘雖許通理磨勘如該滿日未曾叙復自不許磨
勘所有該滿之後未叙復以前月日既不在磨勘之限緣今降指揮以該
滿日為始却有該滿之後至未叙復以前月日未叙復以前係在罪籍難

以理用 一諸使臣公罪徒公罪衝替因事替移或因老疾謬儒差替或
私罪非衝替臨時特旨與小處遠小處差遣或私罪杖斷放合該磨勘依
條展年外仍候任程到任並與磨勘以上各條降等差遣者仍候任程到
任前短使條降等差遣非此其私罪徒私罪衝替降等差遣并公私罪追
停叙用並依條展年外仍候任程到任壹年看詳上條謂約出逐件刑名
止應注降等差遣之人合候任程到任或任程到任壹年方許磨勘如未
有任程到任或任程到任未及壹年各不許磨勘如自該滿之後至任程
到任及任程到任壹年以前月日今降指揮以該滿日為始却有該滿之
後至未任程到任及任程到任未及壹年以前月日於任程展年該赦其
有任程已及之後雖遇赦恩其歷過月日不許通理 一諸使臣核尉同
拾年以上不到部陳乞磨勘許經所在州投狀召陞朝官貳員委保正身
無承代詐冒違礙知通追請同保官審實批書印紙從本州結罪保明連
保狀申部淳熙十六年八月十四日 勅吏部申如臨安府申發許本部
追請陳乞磨勘人同保官赴部審實行看詳上件條法指揮謂使臣校
尉拾年以上不到部陳乞磨勘許經所在投狀召陞朝保官貳員委保正
身存亡無承代詐冒違礙知通追請同保官審實批書印紙從本州結

罪保明連保狀申部如臨安府申發許本部追請審實方許磨勘今來却
有雖及拾年失於陳乞磨勘却曾到部參選或有新任及見任之人即非不
顯存亡自與磨勘緣降指揮以滿日為始其前伍年本部照理年放行外
餘後伍年無過犯人候陳乞日申取朝廷指揮 本部逐一有詳乞批
送今狀下部貴憑遵守端平二年十二月十四日送吏部從有詳到事理
施行 嘉熙三年八月十四日 初吏部尚書左選條具內宣項在法承
議即轉朝奉郎朝請郎轉朝奉大夫朝議大夫轉中散大夫依條不許貼
用父祖親屬減年恩例近有承議郎陳乞磨勘收使父祖恩例換轉朝奉
郎考功放行具鈔出給告命委是有礙條法修纂條例所看詳諸得親屬
減年恩例不許換轉蔭補官自有成法今後不得冒有陳乞所有考功已
行體例合刪去奉 聖旨依看詳到事理施行本所看詳上件指揮雖是
尚在條具所有武臣亦合一體今聲說照用 淳祐三年六月空日都省
劄子吏部四選官公共聚議條具關防四蜀革弊事畫一數內文武官陳
乞磨勘文字文臣承議郎轉朝奉郎朝請郎轉朝奉大夫武臣訓武郎轉
武翼郎武德郎武功郎轉武翼大夫並係轉應蔭補官事體至重今欲除
本州保明並合再經四川運司重行覈實結罪保明仍各召知識四川本

等保官宜員。委保批書。以憑照見行條法指揮施行。四川文武官流寓內地州軍寄居。陳乞磨勘大字。及轉應蔭補官之人。既在內地。難以再令歸川陳乞。欲將似此之人。並令召蜀士知識本等保官宜員。委保批書印紙。以憑照見行條法指揮施行。右別付吏部。從所申事理施行。

大使臣。

尚書右選令。諸武功武德郎充閤門宣贊舍人。應磨勘者取裁。諸閤門宣贊舍人。轉武翼郎仍舊職。如不願在職。及已至右武郎日罷。謂供職人。諸內侍官武功大夫。至武翼郎。帶御器械。應磨勘轉官者。申樞密院。

諸陳乞收使。未換授以前所得轉資者。每壹資減貳年半磨勘。

尚書考功令。諸閤門宣贊舍人磨勘。並依武翼郎至武功大夫法。諸

駙馬都尉轉官。及柒年檢舉磨勘。至承宣使止。諸右武郎以上。轉官滿伍年者。遇闕磨勘。謂軍功及勲績顯著。人大夫以上。檢舉。諸翰林醫官。

至和安大夫磨勘。依武翼郎至武功大夫法。未轉翰林醫官以前。功過更不通理。諸大使臣。修武郎至武德大夫。及訓武郎。修武郎。帶閤門祇候。

轉官及伍年者。與磨勘。諸大使臣。初該磨勘者。自參部後伍年。內住程到任實及貳年。方許磨勘。仍在任有知州。本路安撫。轉運。提點。刑獄。及侍。

御史以上。或省府按察提舉官壹員。同罪奏舉方得施行。若無舉官。並候
柒年。諸大使臣初該磨勘。住程任內。因事對移。謂有實狀者。及衝差替
放罷者。並不理犯時壹考。諸從義郎以下帶閤門舍人。閤門祇候磨勘
並理肆年。諸小使臣因恩賞勞績戰功。轉至修武郎以上者。其磨勘依
大使臣法。

尚書右選申明。隆興元年四月二十四日。勅勘會諸軍立功將士。轉
官礙止法人。緣經戰與雜功。輕重不同。若今一例回授。無以激勸。今措置
下項。一應因經戰被賞轉官。並合將所轉官。重輕轉行。有收使不盡官
候。別立到新功日收使。如願回授者聽。一武功大夫。參官轉行橫行壹
官。舊用兩官轉伍官。轉行選郎壹官。舊係參官轉。已是防禦使。即臨時取
旨。右武大夫。并見帶選郎。兩官轉行橫行壹官。參官轉行選郎壹官。已是
防禦使。即臨時取旨。一應該暴露。普將隨軍幹事把隘。不經戰所得轉
官。並合回授。一應經戰落階官。武功大夫。右武大夫以上。見帶選郎人。
合量功力。重輕除授。謂如選郎承宣使。若落階官。却合自正任。刺史以上。
除授。緣除正任。係特恩。旌賞。臨時取旨。不可為例。一陳乞收使回授
轉官人。自合繳連回授。公據毀抹。一逐項功賞。已經轉行人。自合依元

即無公罪。統添展年月之文奉。聖旨展壹年壹季磨勘。慶元五年十一月八日。勅吏部狀武翼郎王瑞磨勘本部勘會本人係再經磨勘。從條合理。伍年會到大理寺有宣犯特降兩官約係私罪。統除降官依格合展磨勘。已訪大禮赦合免展外。緣私罪。統展格內止有私罪。派重展年磨勘。即不該載私罪。統展年磨勘。明文奉。聖旨添展壹年兩季磨勘。仍自今降指揮日為始。本所看詳前項逐件指揮。並為公私罪。統緣格所不載。添展磨勘事理。今存留申明照用。

尚書右選考功通用申明。端平二年十二月十四日。都省批下吏部申檢會。端平元年三月四日。都省批下本部申承紹定六年十月十四日勅。且條奏乞將文武官陳乞磨勘者。更不以告下日為始。只以日前實歷滿日為始。許接續日分理。為日後再起磨勘。仍於告上分明批注。謂如元官實歷至某月日滿。即於次日理作新轉官日分供寫告內奉。聖旨依仍令吏部看詳申尚書省本部緣有因罪未結絕。及降官未叙復并所約刑名合候。程到任及展季展年并合要任程到任及應用舉狀之人。又有拾年以上自不到部陳乞磨勘者。亦有校尉理年已及於使臣理年。又及凡此之類。今檢具看詳下項。一諸大使臣初該磨勘者。自參部後伍年。

內住程到任實及貳年方許磨勘。仍在任有知州本路安撫轉運提點刑
獄及侍御史以上。或省府按察官宜員同罪奏舉。方得施行。若無舉主。並
候柒年。看詳上條。謂如初該磨勘。有知州本路安撫運使提刑侍御以上
舉主宜員同罪奏舉許磨勘。却有年限雖滿。住程未及。或舉主未到。須候
住程舉主及格方許磨勘。今降指揮以滿日為始。所有該滿之後。住程未
及。或舉主未到之前月日。實歷雖滿。而住程未及。合候住程滿日理轉。
一諸大使臣初該磨勘。住程任內因事對移。謂有實狀者。及衝替放罷之
類。並不理犯時查考。看詳上條。謂如初該磨勘。住程貳考任內因事對移。及
衝替放罷之類。年限雖滿。住程已有貳考。緣住程任內有過犯之類。從
條法除豁犯時查考。即係住程未及。合候次任住程到任壹年方得磨勘。
緣因罪犯未有差遣。或已有差遣。待闕未赴。後雖到任。通理住程已有貳
考。緣今降指揮以滿日為始。所歷該滿年限之後。因罪犯未有差遣。或待
闕未赴之前月日。難以理用。接續日分起理磨勘。初任住程有違闕。即合
候次任住程補滿。本部逐一。看詳。乞批送。今狀下部。貴。憑。遵。守。端。平。二
年十二月十四日。送吏部。從。看詳。到。事。理。施行。嘉定十六年八月九日。
尚書省劄子。尚書右選措置。自今後。應四川轉官。修武訓武郎。轉武翼郎。

武德武功郎轉武翼大夫。須要本州取會勘驗委係正身結罪保明如從軍之人委主帥勘驗結罪保明申總領所保明委係正身即非身亡事故之人方與證應施行。候出給告命仰官告院繳申本部責付運司進奏院入急遞發下總領所仰逐司再契勘本官該轉官及彼受日委的無身亡事故即與給付仍具已給付保明申部或已亡歿即繳告申部毀抹如逐司扶合不實具元保明州軍并保官同逐司官吏職位姓名申取朝廷指揮施行。右劄付吏部從所申事理施行。嘉定十六年十二月二十一日。勅吏部勅令所詳議內侍官都知副都知押班許轉至選郎承宣使止。帶御器械許轉至選郎觀察使止。幹辦御藥院幹辦內東門司許轉至選郎防禦使止。非任門司以上不得轉選郎。其有職任未至而欲超越今來所立止法轉官之人雖降特旨許執奏不行外有幹辦龍圖天章等閤許寄資至左武大夫止。睿思殿祇候額外祇候及掌管簿書額外簿書如遇特降指揮轉官者許寄資至武功大夫止。聽喚額外聽喚會通門後苑祇候及散祇候轉至武功郎止。奉 聖旨依吏部勅令所詳議事理施行。景定三年五月六日。勅承景定二年十二月空日都省劄子內宣項軍班應修武郎以上如遇陳乞磨勘轉官並仰聲說已未申繳宗枝如內有

該說曾申繳宗枝赴部注籍之人。仰考功先次批會。本部見得已行注籍訖。方許移關本部擬官具鈔。或有未曾申繳宗枝注籍之人。許於所屬州軍照指揮。陳乞就行申繳赴部注籍。方與放行具鈔轉官。五月六日奉聖旨。令吏部依條具事理。遍牒施行。常切遵守。

小使臣

尚書考功令。諸小使臣初補參部後。承信郎叁年。承節郎以上肆年。曾經位程幹辦到任。若不因事故移任。通理各及貳年。與磨勘已後。並理伍年。諸初補參選人。謂承信郎以上校尉。年限應格。曾經位程及貳年。許磨勘。即未及貳年。許通理。若因事對移。謂有實狀者。及衝差替放罷之類。並不理犯時壹考。別候位程通及貳年。方許磨勘。諸初補使臣充隨行指使。奉帶親隨者。非三路。依初補法磨勘。餘路并臣僚隨行指使。以去替壹年。通理補職。若參部滿理任年限。即與磨勘。謂如承信郎肆年。理為壹任者。到任及叁年。通理補職。若參部及肆年之類。承節郎以上加壹年。諸見任前任宰執。下隨行祇應。主管幹辦等使臣。初經磨勘。依指使例。諸小使臣之官。還限應該磨勘者。添展兩季。仍不候降等。位程到任。許磨勘。諸軍功補授小使臣。校尉。磨勘付身內有雜功補轉者。會問兵部。

如無大轉資級方許改行。已經參選磨勘者非。諸校尉磨勘年限應格。而應展年者。唯免降等住程外。餘並依使臣法。諸進武校尉以下。特旨補轉承信郎以上。並依初補使臣法磨勘。如以前有減年者。即依條比折行使。諸進武校尉以下。特旨補轉承信郎以上。若年限已滿合改轉者。聽磨勘。以後即依初補年限磨勘改轉。其年限未滿者。從本條。諸校尉因軍功捕盜改轉承信郎以上。其磨勘不隔以前年月。諸校尉在任因恩賞。謂非軍功捕盜者。補轉承信郎以上。自授告日理為參選住程。依初補年限磨勘。未到任因恩賞補轉者。準此。諸進武校尉自參部後及五年內。係都知兵馬使初補者。及參年。並與磨勘。別因勞勩補者。亦同。諸進義校尉。係軍功補充者。自參部後及參年。餘五年。並與磨勘。轉進武校尉。其官院祇應進義校尉。自依本條。諸親王府祇應書表司。宅案司。通引官。客司。係進義校尉。候及伍年。無過犯。與進武校尉。其郡王位。依宮院條。諸官院祇應進武進義校尉。應因過犯。差替到部。各與重難。短使。壹次。仍不理在官院年月磨勘。因病患差遣者。如百日。公參却差。赴官院。祇應不以本位及別位。並通理。前來月日磨勘。若非次替下。並依名次。闕。大宗正司。候官院有闕。差填祇應。與補所少月日。諸官院祇應進義校

尉下到磨勘如年限不同聽隨見今祇應官比折 諸小使臣校尉磨勘許通理在宮院祇應合該年月。 諸宮院進義校尉到部後兩犯公罪或壹犯私罪展壹年磨勘叁犯公罪或兩犯私罪展貳年 諸宮院下班祇應酬獎初補進義校尉者承宣使以上貳年觀察使以下叁年並補進武校尉以上壹犯私罪笞杖情輕展貳年稍輕展叁年稍重展肆年重展伍年累犯從壹重論外每次各展壹年其兩犯贓罪或私罪杖情理稍重重者準此並從大宗正司申奏差替餘並依舊在宮院祇應 諸國信所差取到殿前司下班祇應充指揮準備祇應同到所及拾年與改轉進義校尉 諸下班祇應充諸處及臣僚隨行指使在職及柒年押隊及拾年各無過犯與磨勘其互差者壹年伍箇月零比折指使壹年如比折通及柒年依指使法 諸勳戚臣僚宅指使初該磨勘未經住程人於磨勘年限外更展貳年許磨勘三后之家不用此令 諸非泛補授使臣校尉自補授日起理磨勘以伍日當叁日若折當及格仍須曾經住程幹辦到任貳年通理各及貳年者同許磨勘 諸進納出身人磨勘至從義郎止 諸進納人監當滿柒年無遺闕有監司知州通判通及叁員同罪奏舉陞陟者與親民其磨勘自參部後承信郎肆年承節郎以上伍年各經住程

幹辦叁年以上有上項官貳員保舉許磨勘以後即依其餘使臣條例

侍郎右選令 諸陳乞收使諸軍都虞候未換授以前所得轉資者每壹

資減叁年磨勘 諸陳乞收使班直未換授以前所得轉資者每壹資減

貳年半磨勘

侍郎右選考功通用令 諸承信郎以上不許貼用給使減年轉官景定

重定

淳祐令 諸殿侍下班祇應同下文準此應磨勘者通理歷任在職月日

實及年限即因恩賞非次轉校尉者聽以任殿侍在職月日通理比折磨

勘謂如殿侍拾年磨勘進義校尉伍年磨勘者若任殿侍在職及陸年非

次轉進義校尉即將殿侍在職陸年比折叁年磨勘之類進義校尉轉進

武準此

大宗正司令 諸宗室應破祇應校尉代祇應同許從便就撥其換外官

若犯罪及身亡百日外並減放如本官院有關聽就射無關聽別官院指

射又無官院指射若差到實及伍年即本司以關人處直差祇應以上並

聽通理年月磨勘如不就占射願歸班者聽

尚書考功申明 紹興二十六年十二月十一日都省批送下吏部奏鈔

承信郎王昉磨勘事後批王昉壹任因農司寺踏逐充準備使喚照得係
初任人依條不許踏逐其吏部元給差帖付身了當今來陳乞磨勘既初
任依條不許踏逐係不應磨勘之人退送吏部照會本所看詳上件指揮
雖止為王昉所降竊慮尚有似此不應磨勘之人合存留申明照用 紹
興九年七月九日都省送下吏部狀據忠翊郎盧進乞磨勘納到公據為
收捕武岡軍佯賊楊再興等得減貳年磨勘乞收使本部將自靖康年以
後因戰金人所得減年理作戰鬪勞効收使其招捉殺降群賊未審合與
不合作戰鬪勞効所得不候再經磨勘收使更合取自朝廷指揮後批勘
會盧進減年既不係因金人所得即難以便於初磨勘收使送吏部照會
本所看詳上件指揮係是申明法意竊恐日後有似此收使之人合編節
存留申明照用 淳熙十一年十月六日 初吏部狀保義郎監潭州南
嶽廟趙彥越乞磨勘係再經磨勘合理伍年緣今任請假赴轉運司鎖應
計叁拾日從鎖應條法合行除豁不理磨勘本部照得係再經磨勘止用
常程年限即非用住程月日難以一槩除豁今指定欲將再經磨勘不用
住程之人與理作常程年限收使磨勘奉 聖旨依指定到事理施行
淳熙十二年七月十九日 初吏部狀承信郎前添差監夔州在城清酒

務趙彥適乞磨勘本部勘會從條合理叁年自就差給降付身日理當參部年限住程應格方許磨勘照得本人第貳考印紙內請假一項批稱赴夔州路轉運司鎖試即不批赴試還任月日取到進奏院狀稱運司在本州置司鎖試叁日從條鎖應月日不理磨勘緣所任係添差不釐務別無職事今指定本人所用住程即非任監當巡檢等差遣當來赴試即不出州界欲理為在任月日放行磨勘奉 聖旨依指定到事理施行 淳熙十五年八月十八日 勅吏部狀承信郎殿前司左軍隊將揚文顯乞磨勘係初經磨勘合理叁年內要住程貳年自改轉承信郎日理作就差至今雖及貳年繳到任下班祇應日該遇 慶壽赦恩理當叁年磨勘乞揆理收使緣下班祇應係理拾年本部從來有下班祇應上所得減年以貳日比折壹日收使今係繳到理當叁年磨勘欲照任下班祇應上所得於使臣上收使兩日比折作壹日今後乞依此施行奉 聖旨依 紹熙二年五月十四日 勅吏部刑部狀考功郎官陳士楚劄子措置使臣上收使減年并理當公據比折事後批送吏部勘當申尚書省今具下項守闕進勇副尉進勇副尉陝西劾用捌資格歸正拾資格川陝劾用拾資格兵部稱並無許行磨勘理年條法指揮守闕進勇副尉進勇副尉所得

減年公據考功今勘當欲將上件資級上所得減年公據從本部自來體
例謂如減壹年磨勘有依伍年法比折之文從都官令比折作肆箇月貳
拾肆日於校尉使臣上收使如無依伍年法比折之文作兩箇月拾貳日
收使施行進義副尉陝西初用捌資格補充理伍年轉壹資進義副尉歸
正拾資格補充理伍年轉守闕進武副尉進義副尉川陝初用捌資格補
充理伍年轉下班祇應兵部稱並理伍年磨勘考功今勘當欲將上件資
級上所得減年公據若於校尉使臣理伍年磨勘上收使合壹日作壹日
於理肆年磨勘上收使合伍日作肆日於理叁年磨勘上收使合伍日作
叁日如有依肆年法比折之文於理伍年磨勘上收使合肆日作伍日於
理肆年磨勘上收使合壹日作壹日於理叁年磨勘上收使合肆日作叁
日施行進義副尉都官吏職補充兵部陣亡恩澤補充進武副尉都官吏
職補充兵部陣亡恩澤補充兵部都官稱並理拾年磨勘考功今勘當上
件資級上所得減年公據若於校尉使臣理伍年磨勘上收使合拾日作
伍日於理肆年磨勘上收使合拾日作肆日於理叁年磨勘上收使合拾
日作叁日若元有依肆年法比折之文於理伍年磨勘上收使合肆日作
伍日於理肆年磨勘上收使合壹日作壹日於理叁年磨勘上收使合肆

日作叁日如有依伍年法比折之文於理伍年磨勘上收使合壹日作壹日於理肆年磨勘上收使合伍日作肆日於理叁年磨勘上收使合伍日作叁日施行進義校尉軍功補充者進武校尉都知兵馬使補充者承信郎並係理叁年磨勘所得理當減年公據於理肆年伍年磨勘上收使自來壹日作壹日如有依肆年法比折之文即比折每壹年得壹年叁箇月收使考功今勘當欲從本部自來體例施行進義校尉不係軍功補充進武校尉不係都知兵馬使補充並係理伍年磨勘考功今勘當欲將理伍年上所得減年公據於理叁年磨勘上收使合伍日作叁日於理肆年磨勘上收使合伍日作肆日於理伍年磨勘上收使合壹日作壹日如有依肆年法比折之文於理叁年磨勘上收使合肆日作叁日於理肆年磨勘上收使合壹日作壹日於理伍年磨勘上收使合肆日作伍日施行所有進納出身校尉使臣并招安補授出身各有理年條法如收使理當不等公據並照有無比折之文即與照元理年限於今來磨勘官資上理年比折收使逐部今聚議欲從勘當到項日比折事理施行伏候指揮奉 聖旨依本所看詳前項逐件指揮並為承信郎校尉收使以前所得理當減年公據照磨勘年限比折事今合存留照用

侍郎右選考功通用申明。嘉定九年二月二十四日尚書省劄子刑部
申照對考功侍右等處遇有用入流補授并收使散減年之人陳乞磨勘
參注及有曾經追降官資經刑部陳乞叙官之人關會有無重疊本部措
置自今後遇有元用府第入流減年補轉之人到吏部參注磨勘從吏部
令召大使臣以上保官貳員委保無偽冒重疊放行有用見任府第入流
并散減年之人自合先次放行磨勘參注并有陳乞叙官之人自今後先
經刑部契勘見得依條合該叙復人更召大使臣以上貳員委保元補轉
無偽冒重疊放行叙官右劄付刑部從所申事理施行。嘉定十六年二
月二十五日 勅奉 聖旨諸府第除拜合得散減年人後不許於承信
郎以上作磨勘收使。嘉定十六年四月十三日 勅勘會府第給使減
年專為校副尉吏職補授人收使陞轉其有出身并奏補及其他非泛補
官等人欠少磨勘月日循例倒換收使竊慮泛濫奉 聖旨令吏部自今
後吏職人許行揆理磨勘收使餘人不許理用。端平二年十二月十四
日都省批下吏部申檢會端平元年三月四日都省批下本部申承紹定
六年十月十四日勅臣僚奏乞將文武官陳乞磨勘者更不以告下日為
始只以日前實歷滿日為始許接續日分理為日後再起磨勘仍於告上

分明批注。謂如元官實歷至某月日滿。即於次日理作新轉官日分供寫
告內。奉聖旨。依仍令吏部看詳。申尚書省本部。緣有因罪未結絕及降官
未叙復。并所約刑名合候。住程到任。及展季展年。并合要住程到任。及應
受舉主之人。又有拾年以上。自不到部。陳乞磨勘者。亦有校尉理年。已及
於使。臣理年。又及凡此之類。今檢具看詳下項。一諸小使。臣初補參部
後。承信郎。參年。承節郎。以上肆年。曾經住程。幹辦到任。若因事故移任。
通理各及貳年。與磨勘。已後。並理伍年。看詳上條。謂如初該磨勘。自參部
日起。理年限內。曾經住程。幹辦到任。若因事故移任。通理各及貳年。與
磨勘。其間有年限。雖滿於住程未及。須候住程及日。方許磨勘。緣今降指
揮。以滿日為始。至住程未及以前月日。即不應收使。一諸進納人。監當
滿柒年。無遺闕。有監司知州通判。及參員同罪。奏舉陞陟者。與親民。其磨
勘。自參部後。承信郎肆年。承節郎以上伍年。各經住程。幹辦叁年以上。有
上項官貳員。保舉許磨勘。却有年限。雖滿住程已及。其舉主未足。須候舉
主足日。方得磨勘。緣今降指揮。以滿日為始。所有該滿之後。至舉主未足
以前月日。亦不應收使。一諸進武校尉以下。特旨補轉承信郎以上。並
依初補使。臣法磨勘。如以前有減年者。即依條比折行使。看詳上條。謂進

初補承信郎次因恩賞轉承節郎之後方參部之人陳乞磨勘轉保義郎則理承節郎肆年之限又有承信郎上曾經磨勘轉承節郎次於承節郎上陳乞轉保義郎係再該磨勘則理伍年之限則是磨勘轉保義郎壹官蓋有參項理年之例得以出入今申請除再該磨勘理伍年外其餘承信郎上雖曾參部及有新任因恩賞轉承節郎理叁年磨勘之人欲並照目今官序理承節郎以上肆年磨勘轉保義郎庶得保義壹官初該磨勘者並理肆年之限其於舊法亦無衝
次奉 聖旨依令吏部常切遵守

永樂大典卷之一萬四千六百二十九

永樂大典上聲六書韻部字門宗吏部條法二
卷曰閩陞門曰廢勘門共一冊乃辛亥國變由
北京流入海東為吾友富田君為購得者考宗
史藝文志三刑法類載馮熙吏部條法總類四
十卷嘉定編脩吏部條法總類五十卷當即是
書然此二殘卷中已有寶慶淳祐景定年號則
非馮熙嘉定二書乃景定以後續脩者耳海亦
載馮熙吏部條法總類云嘉泰二年詔重脩開
禧元年書成是馮熙本開禧間已重脩增補藝
文志失記而嘉定重脩以後至景定再脩則云

海正未言及奉大典徵引今尚得窺見一斑耳
惟據大典目錄自卷一萬四千六百十四至一
萬四千六百四十六凡卅三卷皆記吏部事不
知此書得全載奉大典今已星散恨未由知之
矣此書為久佚之祕籍亟請於君撫新印以傳
之君撫慨然許諾此書得傳君撫與有切焉爰
附記之丁巳仲冬上澣上虞羅振玉書于海東
寫居之夢鄴村堂

